



江湖長翁文集目錄

卷

九卷

七言古詩

程帥以古人名作詩見寄擬作謝之

暗用古人名詩寄程帥

次韻張秀才題汪叔量挹秀亭二首

次韻鍾汝楫二首

長句簡諸公



之校

江湖長翁文集目錄卷之九
一
下七九

江清長翁文集
目錄卷之九
愛筍

次趙判院韻

出郭二首

次韻張秀才

望夫山

檢旱宿香雲

田家嘆

謝翟元卿詩卷見投

題蕪湖雄觀亭

張秀才枕屏

謝朱宰借船

畫魚扇寄孫成甫

從王守獵

散解廟行

粉水行

田家謠

鹿鳴燕一首又次韻送胡省元一首

次韻許節推喜雪

謝襄陽陶宰惠靖節先生編年大本

題識山堂

次韻高殿撰題東山

次韻徐監獄四首

再次韻呈林子長郎中二首

正月晦步西湖

再次前韻呈林郎中五首

徐南卿招飲

再次來字韻三首

再次林郎中韻

十卷

七言古詩

贈王仲和架閣

次韻林郎中龔宗簿四首

次兒輩喜雨韻呈太守

次韻寄楊宰二首

贈臧汝舟次韻

次韻楊宰花石綱二首

次韻解禹玉二首

次韻楊宰食蟹

送羊侯因簡崔帥

次韻張守垂紅小駐

再分韻得花字

贈趙子野

贈劉行甫

次韻趙子野贈別

送曹器遠從使虜

送二趙金陵秋闈之行

送劉常父秋試兼簡行父

題六么後

陳伯固史君禱雨得雪爲作

次韻楊宰

送赴省七子

石湖兩帖還李推官

陳學正惠詩酬以長句

陳學正孫學錄有詩復次韻

戲作

次陳倅同年瓊露酒詩韻

題高夢錫指牛圖

次朱必先與師是唱酬韻二首

客以詩為東園飲不果次其韻二首

雨未止再次前韻二首 次韻魏知元二首

次高賓王餞徐南卿韻 贈畫士龔子

呈趙帥

卷之十目錄終

江湖長翁文集目錄

宋高郵陳造唐卿撰

明海鹽王廷俊君英校

十一卷

五言律詩

山居十首 元夜病起二首

香雲寺 丁簿到蕪湖書不至

圩上 丁酉道中暮春

秋日 仁于庵

次韻翟元卿二首

得姪消息二首

感興

送人赴試

金地寺

畱行都

調官歸

陪盱眙王使君東游四首

都梁八首

寄姪

雨後病起二首

歸自湖西

客中

次韻朱萬卿五首

寄興化徐尉二首

次韻彭景貺

贈課會諸公

次瓜州

贈高黃二子

贈趙秀才

約二趙棋集雨不果來

次韻高縉之二首

次韻石湖居士瓶中早梅二首

再遊虎丘二首

謝陳夢錫詩卷二首

卸事

次韻羅春伯提舉

送高縉之歸謀武林結果二首

歲晚言懷二首

贈相士蜀張一首

贈陳錢二別乘

送李元英還常熟從周宰讀書

次韻歸路微雪

鹽城阻冰雪贈陳德美三首

夜雨

次韻何學諭送行二首

曹娥廟二首

寄師文二首

登招寶山

定海四首

聞師文過錢塘二首

卽事

官居二首

送學生歸赴秋試因省別業三首

冬至

立春

祭龍

答龔炳澤卿

送嚴上舍拜寄諸公十首

再次韻十首

題陳主管小壺大二首

過八疊舖問宿

高頭山

無題三首

思歸

答壽詩

次韻章宰

過樊村

書懷二首

步西湖次韻徐南卿九首

觀諸公射于城北書壁二首

次韻楊宰次郎裴 次韻楊宰公田道上

次韻楊宰樊汭 次韻楊宰秋尾雪

次韻楊宰胡蘆格 次韻楊宰述懷

次韻楊宰野步 次韻樊汭

次韻楊宰雪 次韻楊宰宿田家

次韻漕使張守二首 題吳司理子隆兼隱

次韻張守赴真州辭家 次韻張守惠山

次韻張守塗中途節二首

次韻張守與潤守總卿詩四首

頰江樓分韻得春字 次韻楊宰泛湖

次宿北阿韻 次韻趙帥四首

次韻林子長 次韻趙帥歲暮

次韻小閣 高宗皇帝挽章四首

壽皇聖帝挽章三首 強同年次子挽詩二首

黃尉挽章二首 李粹伯挽章二首

五言排律

九日 次韻盛教授

再遊殖軒小酌

送羅提舉

謝龔養正病後分樂

勸農書淨居壁

寄顧簽判

飲寓隱

再遊福溪巖贈主僧

均州贈應守沈倅

十二卷

七言律詩

赭圻

閑題

飲客

次丁嘉會韻四首

念衰

閑適二首

九日留交代

次韻蘇監倉四首

縣圃醑醪

賞醑醪病不赴

次陳宰韻

徐陶會

卽事

縣西

上峩橋早行

寄幼度主簿

和張秀才韻二首

次韻張秀才雪二首

寄丁主簿

寄林子長教授

楊家會小坐

七夕

復程平叔

汪叔量白酒

寄鄉中親舊

隱靜簡堂老贈滕杖

次韻楊樞視圩遊隱靜

次韻楊樞喜雨

病中書懷二首

次韻元卿二首

次韻劉宰

夏夜飲客

贈趙監獄

行都

春晚郊外

託人賣馬二首

次韻王知軍雪

次韻汪解元

次韻王知軍夜坐有懷

次沈倅韻呈王漕

次韻王漕起秀亭

次韻趙教授三首

寄陳居仁二首

次韻郭教授雪二首

次王帥韻後詩呈葉教授二首

次王帥韻

書劉元之教授劄子後

立春前一夕雪二首

餞趙伯衛趙有詩次其韻

贈仲國美

次韻彭景貺

贈課會諸公

再次韻答陳居仁二首

題殖軒

賀二石登科

次韻何符山人二首

同高叔不愚如晦飲再次韻二首

題潘德久竹居

次韻張直閣避暑

次前韻謝湖運屬二首 早步湖上

次韻章守移學 次趙解元韻二首

再次韻呈章守 次韻章守獵

飲殖軒

趙使君淮春樓落成二首

贈趙秀才一首

寄興化葉明府進卿二首

贈曹秀才二首 次林計議喜雪韻

次韻朱秀才二首 次韻石湖居士見梅

虎丘

卷之十一目錄終

江湖長翁文集卷之九

七言古詩

程帥以古人名作詩見寄擬作謝之

胸次不平當近酒熱官奮揚肯回首卽今羊杜詩中仙
襄陽城中獅子吼我將仲子趨黃堂孰看畢戰舉旌幢

筆秦曰筆楚曰畢吳曰不律

抗顏路塵旋行役但有冤夢公之傍瀕

海作宰我漫仕留贊郡符真左計老夫已老子白丁解
願與言遊戲事駢羅隱服芙蓉裳設張翰墨當絲簧敢
向青山簡奇勝有田肯賣吾倒囊如公端合穆王度不

新尚作歸田語蓬萊朱金久已齊還許遠來結鄰否

暗用古人名詩寄程帥

美公椽筆銜陽秋黃鍾大呂豪端收省闈高掇未足道
文章老手第一流轆轤玄譚已驚衆倒河翻瀾駭飛動
遞中筒詩陸續來舊債未償新債重卽今搦管重犯嚴
強顏回顧口如箝更驅行李伸此情句法政用公鐫劂

次韻張秀才題汪叔量挹秀亭

清江如玦山如環主人胸次自江山寰中秀氣困豪取
著亭杳靄空濛間碧浪明邊帆影遠暖風香裏林花晚

市聲隱地了不聞貪看霏煙抹層巘青山隱吏鬚已霜
帶寬未用憐東陽每來亭上小箕踞傲睨山色挹江光
一樽從君多暇日更誦清詩綠人髮絕勝九衢塵霧中
金印纍纍客牢石

再次韻

清遊如省隔世環身繫組綬心溪山此亭攬踞山水上
羨君脫屣塵埃間不應室邇嗟人遠時上風煙慰衰晚
况如坐我天姥傍長嘯持杯揖雲巘張侯清吟句挾霜
肯因聞笛賦山陽空青染袂醉顏玉笑人簿領閱流光

江洲長翁文集 卷之九
誅茅結鄰約他日會映軒窗晞禿髮徑從兩君賦歸來
何須官滿六百石

次韻鍾汝楫

鍾郎耐暑如被酒亦復不閑讀書口胸中莫可渚涯窺
筆下時作蛟龍吼老夫瞠若終後塵兒子徒勞汗流走
中年眼見花養痾肘生柳漂然振我衰懦氣此士此詩
今僅有亦思豕句與周旋強敵當前難措手

再次韻示師文

中年多病剛制酒文字譏評慵掛口克家尚須獅子子

時踞風林一哮吼藏山有書當衣鉢端能太史牛馬走
之齊莫操竿名楚要穿柳未聞狗監薦子虛聊遣吳王
質非有獨無鼓吹虞乃公勝日不應長袖手

長句簡諸公

縣圃醱醱小宴病不及賞
復同賞家圃芍藥作此

君家開宴爲醱醱竹聲裂石絃鞞雷我家芍藥繼如許
如解商量先後開深紅妍白各媚嫵瓊瓊赤玉肌玉骨

出廣韻

無纖埃日高未覺睡態足風定亦送龍香來素艷壓架
頰欲雨粧面臥叢羞未擡那娥微服屏粉黛衆女望影
慙莫陪真妃嬌泥午酒困紅潮作暈回香腮春到陋邑

好花少鬱鬱高柳間古槐濃李淺桃不入眼菖條杏葉
何有哉喜如足音賞魏紫前日看牡丹愁寄驛使邀江梅殘
春索寞風絮亂有此二物生庭隈維揚金腰可伯仲閩
南素馨但與臺倚煙娉盈復妖嬈等閑力挽春光回東
皇有情花有意似欲我輩倒玉壘君家賞花我方病憶
花有恨空成堆我家花開病適愈對花發興知難裁簿
領困人日作惡玉山猛判花前頽及今樂事須秉燭風
狂雨橫誰能猜

愛筍

犀非犀玉非玉拂拂輕霜浮脆綠披籜含梢欲成竹
娟裊裊森可束稀間只稱佳月照勁處嗟耐清風觸少
忍充庖得補林主人爲目不爲腹論材似也子勝人終
竟鼻祖與膏馥官閑盡日據胡床樂與此君同避俗冷
笑京華癡少年枉費千金買花木

次趙判院韻

趙射弓損指有詩欲林教授出寵於某甚見推避次其韻

公詩見壓楚服隨孤軍懾怯逢荆尸將壇已辦降旗送
顧乃借重如等夷文工武習知餘事腰箭臂弓聊寓意
僕姑不作餓鴟鳴策策鮫人珠迸淚巧匠血指非意及

微恙未須湯熨治蟹螯置把地臥影生世多才古爲累
誰家酒好花打圍今日人閑柳生臂不妨惡客着坐隅
身側獨醒心解醉

出郭

寒食日迺使車初甚怙
悵郊外春色慰人戲成

江縣居人寒食下少在縣中多在野哭聲不似笑聲長
麗服新粧盡遊者長郊芳草接天綠我亦行行策罷馬
盍簪命醉豈不懷卑官出入元無假偶來却勝特來好
觸處春光可圖画幾日陰寒風用壯今朝霽景天所借
趁人胡蝶作團蜚逐婦鳴鳩數聲罷天桃艷杏雖已過

郁李金沙猶未謝其餘紅白爭姱媿醉態啼粧各蕭酒
顰風笑露頰欲語半吐梨花最閑雅游人幾許健倒去
紅粉誰家短墻亞良辰獨醒還自惜捐佩一樽猶可貰
餅盤錫筯已寒盟故人應問花應訝對春長作了事癡
不念清懽本無價會當從公謝不敏百罰深杯不辭把
魏花有約待人歸秉燭疇春期後夜

再次韻

對花不領幾柳下以詩自苦如東野今年陡覺負芳時
狎興蕭條殊曩者西湖南園恍入夢漫道尻輪神作馬

江清詩集卷之六
三
可堪山鳥勸歸去擬爲尊羹乞長假十分銷瘦空自憐
一段閑愁倩誰画春光只比東逝波堂堂去意那能借
青梅崖蜜倏登俎襖被鞦韆仍復罷感君妙句慰岑寂
欲挽清驩付衰謝光風搖搖壓輕暑亭榭况經微雨洒
徑煩麴蘖寬懷抱未用文章繼風雅翻階芍藥醉面欹
壓架酴醾香蓓亞江城日有問字人酒不論錢更須貫
君今賴以主人賢我亦不憂官長訝鶯花好處醉爲鄉
與君平日俱聲價旗亭市樓故鄉約歲晚會須茅一把
客中一笑且追陪飲勿言歸當卜夜

次韻張秀才

風前病眼如挾沙蕭蕭兩鬢吹蒼華翩然一馬度平楚
時見碧溜浮梅花胡蝶蘧蘧恐非夢乾鵲角角營其家
哦君新詩念鄉國鴈字一行天際斜

望夫山

亭亭碧山椒依約凝黛立何年蕩子婦登此望行役君
行斷音信妾恨無終極堅誠不磨滅化作山上石煙悲
復雲慘髣髴見精魄野花徒自好江月爲誰白亦知江
南與江北紅樓無處無傾國妾身爲石良不惜君心爲

石那可得

檢早宿香雲

香雲之山瞰平楚松篁路窮得僧宇明窻深室皆嚴靚
白菊紅渠相媚媿它日欲來坐忙迫此行忽忽寧得所
蒲團憇定飯秋蔬衣袂黃塵尚如許山僧共話豈須禪
但愛茶甌如潑乳投床有夢不能記忽聽風林如過雨
鷄聲不貸擁被溫又控罷驂陵險阻出門便覺仙凡隔
猶聞窳堵風鈴語今年早曠遂無年枵腹顙天連保伍
頗能念我困馳驅兩兩致詞相勞苦但使秋租毋病汝

吾自卑官慣塵土

田家嘆

秧欲雨麥欲晴補創割肉望兩孰家家昂首心征營一
月晴半月陰宜晴宜雨不俱得望歲未免勞此心

謝翟元卿詩卷見投

從君只比手胛熟得詩已可牛腰束誰言此老四壁立
襖積錦繡羅羣玉晨興諷誦莫編綴未覺饑雷隱枵腹
我生嗜學類貪夫婪酣欲訴南山竹詩人到眼輒自慰
句法得君今意足向來玄鑰笑談啓大勝幾年膏火讀

江油長集卷之六
駸駸警我欲川增前之汗漫今邊幅頗嗟詩客千鈞筆
不博長安一囊粟人不求君君不卽高臥窮鄉數椽屋
苦無好事問奇字寂寞寒庖供苜蓿長篇短韻寫不平
日使貧交得驪目握瑜不價自應爾有底汲汲須圓曲
我有鴟夷繫短轅持澆胸中三萬軸尚恨不作多田翁
秔糯分君歲千斛

題蕪湖雄觀亭

大江來東南旁受如坐輪下驛峽門窄積水陡下百尺
餘勢如千鼓賊萬馬闐闐噉威崩騰排軋爭危塗嶮礮

賴是作齟齬不然頽沙裂岸寧復通舳艫霜晴似揭天
兩鏡瞥眼浪濤相吞屠不知河伯窟宅託何所只應蛟
鱷跋扈無寧居陰晴明晦何限景付與沙鷗浦鷺綸竿
夫令君作亭攬其要豁然眼界了江湖我昔暫登覽詩
瓢仍酒壺寒聲隱隱撼窻戶綠霧噴噴擅曉晡吳檣楚
柁亂秋葉蜚山湧雪畧座隅淮山千髻更在洪濤外昏
煙淡日時有無昆陽勝負等蠻觸魏中之梁直錙銖人
生紅塵中局縮轅下駒安得李成王宰不死俱在眼水
墨揮洒丹青摹江山千里入卷軸從此不數玄圃崑崙

圖

張秀才枕屏

寒風慘澹森木古羣鴉無人自翔舞
重山積水幾里所稍見孤舟渺煙雨
意吞洞庭卓天姥短屏數幅渠能許
何時去作湖山主還喚詩翁來着語

謝朱宰借船

宰爲蕪湖
予官繁昌

書生祿邀空自憐三年官滿囊無錢
身如絆驥心千里安得一舸西風前
令君磊落濟川手留滯亦憐窮獨叟
大舟百尺影白虹借我般家我何有
函牛之鼎著鷄肋

涓滴渠須瓠五石劣留兩席寘圖書
輦石囊沙壓搖兀典衣買酒餉三老
槌鼓鳴鑼人看好相過重讀借船帖
我自盧胡君絕倒

自繁昌歸
先經于湖

墨梅魚扇寄孫成甫

都城六月難爲客暑炊火山不餘息
從人輒博襍穢噴假館翁家得休適
髯翁困積胸中奇對客清談霰雪飛
扇材寄似亦安用聊代玉麈談間揮
須知寒夜冰花影著子駢枝可調鼎
濠梁之樂物我融翁自欣然渠不領
向來槃礴非畫工象外析理翁則同
少酬他日清凉惠

江湖長翁文集 卷之九
知我夢依君子風

從王守獵

生世能忘塵外趣，官居定作車中婦。男兒胸次萬斛寬，
不著塵埃著詩酒。虎頭起秀屹雙高，層城更是干青霄。
使君領客凌縹緲，天風颯颯搖旌旄。吳橋魯山青未了，
眇視平淮衣帶繞。曉聽歌濃笑碧雲，深聲下人間却驚鳥。
不妨卷障下煙霏，翠袖紅粧旋打圍。杯行飛瀑亂歌吹，
蜚霧暗香俱在衣。詩翁得興飛綵筆，銅丸脫手初無迹。
酒酣登車接羸倒，馬上梁州霜月白。

散解廟行

巨靈揮斧山爲拆，谿谷飛出寒溪碧。南西北視皆戶家，
種秧插稻供衣食。此水不枯歲不饑，此溪不涸龍是司。
森木古屋龍所宅，人家望歲如取攜。笳簫嗚嗚坎坎鼓，
秋報春祈從父祖。鷄豚肥膾社酒香，擊跪曲拳誰敢侮。
年時雩禱嗟徒勤，適龍睡孰喚不聞。溪心蒿艾化埃塏，
可怪嘉穀遭慘焚。千溝萬澮分飛瀑，面露搖風際天綠。
懷寶睡足龍亦驚，鴈門之踦此焉復。安得溪水長滂浪，
龍不忸怩民樂康。向來野草填飢腸，怨氣括作頤下囊。

粉水行

散解溪紆福溪直兩山空中瀉清激潄渟壅建幾千家
邀入中田作膏液餘流復合古城東末世尚奏鉛華功
定名粉水自誰始水神有靈當熱中去年龜紋布溪底
房民倒垂憂死徙今年活活夜繼晨淥漲稻禾三百里
此溪今昨殊虧盈郡民卽溪岐死生天設地施禹疏鑿
世人盍亦求其情古來名實爲賓主兩溪厚農非小補
但令旄孺無飢羸安用女子相夸詡

田家謠

麥上場蠶出筐此時祇有田家忙半月天晴一夜雨前
日麥地皆青秧陰晴隨意古難得婦後夫先各努力倏
涼驟暖繭易蛾大婦絡絲中婦織中婦輟閑事鈔華不
比大婦能憂家飯熟何曾趁時喫辛苦僅得蠶事畢小
婦初嫁當少寬令伴阿姑頑房謂嬉爲頑過日明年願得如
今年剩貯二麥饒絲綿小婦莫辭擔上肩却放大婦常
姑前

鹿鳴燕

亂山森立圍古房重碧疊青天與長鍾奇孕秀爲雋良

江漢長翁文集卷之九
有如六子爭軒昂胸次襞積雲錦章漢之晁董唐常楊
當日折衝陣堂堂尺筮不折築受降 皇上顙俊奄帝
王士孟其晉如康莊卽今勸駕觀國光接翼便合鴛鷺
行後先差池似未妨一夔自足開天荒五大次第趨巖
廊懷寶判閱三星霜一盃首餞江夏黃一詩竊比振履
商功名逼人未易量坐來相映眉間黃誰遣大宅浮春
陽他年朝路偕翱翔惟南有斗耿昊蒼一字定寄漁樵
鄉老子善誦君叵忘

次前韻送胡省元

南宮巖巖各分房過眼千牘春晝長曼曼百楛收一良
主司忝累作低昂黃道湛碧誰爲章胡郎筆勢傲長楊
掉臂舊升賈馬堂自讀君文此心降看寫帝伯仍皇王
諸公盥誦顏爲莊射策便近 天子光一鳴坐瘖千駟
行騰陵絕澗略不妨我昔塗抹策寒荒囊筆亦解趨東
廊一官蹭蹬鬢頽霜桑榆聊落師陳黃逐逐一飽隨工
商才無它奇堪斗量放君綠鬢便銀黃功名若木昇朝
陽鵬鵬舉翮雲路翔腰印纍金玉佩蒼功成畫繡歸鄭
鄉車笠舊誓無相忘

次韻許節推喜雪

雪後緘詩送春燠何異祠壇起祇肅吟哦三嘆思荅報
幾欲揮毫紙隨縮多聞實藉益者三敬客不啻需之六
別君方看月絃下及門僅比羊胛熟前時爲雪謁仙佛
俯偃叩神如問卜陰陽妙由帝把握寅亮傍賴公廸篤
死生休戚繫雨暘此柄不輕果誰屬天公欠雪如負券
得之無庸計遲速盈尺告功遽放晴孰謂十寒財一暴
念子詩愁替酒狂許云途中不濡唇幾日風殮仍露宿想見晨
窻誤月明催汲溪泉煮山軟雲際羣峯駁粉繪日下衆

壑淙哀玉我雖越俎政無補猶飽官饗住官屋不差破
履印遺跡更免長鑱斲黃獨剥啄或肯送尺書傾箱中
有麋鹿肉遙知合圍罾蹄角驚奔窘怖徹毛骨放麕歎
羹未恻然老子平生蔬茹足瓶中療飢餘白粲甕裏度
寒仍旨蓄隱几日日面南山捉筆時時瀉懸瀑但有赤
脚侍玉川分無散花問金粟春前三白盛世瑞幸此迂
愚寬譴逐朝來徙倚觀稼上宿麥泛煙青極目徧天之
功敢僥罪含生有自如其欲寒梅嫵媚糝更新弱柳龍
璁眉上感風日清妍近試燈載路已聽歌鼓腹不辭三

夜同此樂龔蟻妓衣預催趣濃歡共貸家山夢小隊重
按年時曲仕逢歲稔信可喜人任天真或爲福長翁一
世文字餘可是營生有機軸徑來同作醉鄉遊聚散回
頭車轉轂觀稼房陵亭名
于三月卽替云

謝襄陽陶宰惠靖節先生編年大本

陶翁清節人可追陶詩妙處吾所師百篇昭昭揭日月
行雲流水無定姿顛倒後前昧甲子可忍白璧猶小疵
三家紀述互躋駁千載傳授仍參差遠孫挺立翁不死
吏隱平挹鄉里兒空洞胸襟著今古遺編訂正當屬誰

扶微摘隱究茫昧別白蒼黑分毫釐翁拔俗心詩其寓
彼未易識此則遺幽意隱義眼中了筆端有口今見之
細書大字肯及我故人嘉惠良不貲摩杪老眼屏湯熨
歛訝毛孔生涼颺歸裝不憂更空匱招隱正用寬衰遲
世間報施有厚薄自顧壁立謀晨炊心期炯炯共一月
未妨相望天之涯

題識山堂

物之或睽九牛毛理有適契鶴鳴臯對山眩旋目無主
山靈定笑山不遭廬阜姿態杳莫狀煙容嵐影翻海濤

德人眼力了天巧離朱眸睨難形逃高堂面執踞縹緲
曠度灑落遺塵勞萬巧千奇領定體如闐闐闐挹同袍
要須槃礴煩画史正自指顧分秋毫聞道樽壘富賓從
至今卷軸餘風騷我登斯堂惜遲暮仙翁已躡海上鰲
橫前三萬八千丈天台信美非其曹崩騰恍駭失要領
窺覘歷覽首屢搔先生翳鸞驂紫鳳想後韓衆前盧敖
白玉之童手碧桃雙成智瓊各雲璈神遊未置茲山遨
徙倚悵望吾鬱陶塵中局束真狴牢但覺德人山與高

次韻高殿撰題東山

廬山佳處雲英英鶴歸誰識丁佐卿東林遺址倏興廢
未害諸老傳清名向來杖屨孰遊歷猿鳥近人漚不驚
樂天本願祇兜率思邈不忘聽化城一從棘位復帥闡
晉酌白獸懸旌旌先生本自遠公輩夢繫蓮社松竹行
卽今上品已補處妙句留並山崢嶸未下飲光領一笑
曾是圓澤論三生何人著語嗣絕響浪許伯起新有聲
尚憶詩翁運椽筆坐排九派咸東傾

次韻徐監獄四首

文字挽回正始音如君豈合安家林干祿不作次且歎

江湖長錄卷之九
讀書方競分寸陰斯人與室幸孔邇有底尋丈能汲深
兩詩竟得摩老眼尉我饑渴他年心

落落過眼誰知音故山檜枝森碧林白鷗盟堅不待歎
豈應辟影忘息陰末路功名夢已斷生平丘壑情自深
素琴濁酒槃礴地頗領淵明千載心

湖間波聲環珮音湖上遊子紛如林坐窻日夢舊遊處
屯雲重霧專積陰淒風剝香梅塢滑輕煙暝翠松行深
画船載酒年少事老不耐閑猶此心

抱枝山鳥雖好音未放紅糝黏青林東風一掃寒雨盡
羲馭明晦雲移陰燈嶺熹晴亂屏合漣漪湛淥半篙深
翩僊舟子得我美笑傲山影眠波心

再次韻呈林子長郎中二首

林淳熙丁酉爲當塗
教官予尉繁昌攝事

郡中館于泮宮相與款密再見行
都俛仰道舊作此呈似且謝見觸

諸生吾伊鶯燕音憶嘗客我詩書林交期離合悼今昔
官路漂泊費光陰故人恩意歌酒款省郎香霧簾櫳深
二十四年一笑適可待車笠論初心

三歎熟君朱絃音可但文價高儒林課聞安仁最花縣
車想召伯駐棠陰詩壇自昔隱一敵意匠超忽陵高深

江清長翁文集卷之六
補袞活國要次第向來子牟魏闕心

正月晦步西湖小憇市樓

鼓腹不詫金石音吟步竹塢俄梅林方愛羣鷺漾清泚
忽聽一鴻啼晏陰野飯不妨隨分飽盃酒却憶向來深
明朝晴雨恐未卜漚鷺盟寒空復心

諸公約再遊

再次前韻呈林郎中五首

清詩似奏韶樂音林侯宿世孤山林疎雲時漏涼月影
雛鳳獨嘯脩竹陰金華后山儼在目非子誰復鈞其深
掩卷炷香三歎息向來望若空潛心

坎流行止忌株守敢薄紳笏高山林平時交期車合轍
回首夷路鶴鳴陰窮鳥低摧客吟苦九虎耽視天門深
南道主人推轂手賴君未遣灰吾心

儀圖登俊煩玉音何人望傾英俊林比喜諸公挽此傑
止復寶鼎薦汾陰楚珩趙璧希代寶丹地紫閣五雲深
論思調虞要無迹安用夫人知格心

一書僅達缺嗣音蔀屋有夢定山林賢者卽今在王所
陳人不憂老墻陰或容連茹鴛鷺後聞道結知君相深
時遣吳妹近酒盞更防蜀鳥搖歸心

郎中出循觴者仍戒以客中小耐

江漢長翁文集 卷之八
春皇報人如寄音紫燕窺簾鶯遶林于時不無客欣戚
此意正繫天晴陰傍湖樓影酒旗直到眼人家花霧深
老子猶醒尚此興歸時參昴橫天心

徐南卿招飯

徐郎陋巷四立壁乘間亦戒賓友食慈親衰鬢不供剪
定賣春衣典書冊念君治六良騷騷與渠侵早來得得
小樓十客不餘地猶勝陶翁劣容膝江西米粳絲作窩
吳國香秔玉爲粒嗣宗阿戎各好士笑頡羹鄙仍婦德
老子旅寓得此飽勃鬱詩情啄三尺出門未妨雨墊巾

萬屐聲中緩歸策

再次韻

東隣客來每堅壁西鄰客來常蓐食旅中一飽豈細故
偕舉大事書之冊末路孜孜食眠計外此敢忘戒在得
蘇端向我顏色好衝雨不辭泥沒膝居貧頗禁惡客惱
念子秤薪仍數粒肺可用禰米可餅併付饒僮飽君德
人謂裁詩等裁錦拙婦渠能把刀尺陶翁宜報苦未賡
搜攬肝腸閑倚策

再次韻

江湖長翁文集 卷之九
白晝曲肱睨東壁鷓斯空復賊糧食晚途自笑硯生埃
少日頗嘗韋串冊生世恐隨草木腐忍使功言兩無得
長安寧無翕艷者自疑有鐵關腰膝樂天任運時近酒
子房逃榮猶却粒求窮我者迄未知夫此誰怨夫誰德
擬訪鶯花豁襟抱門外雨餘泥一尺山陰不待興盡回
掠面東風寒策策

再次韻謝徐監獄惠和章

若人胸中着奎壁落筆似不煙火食平生箸述奏奇勳
玉綴珠編今幾冊定知前輩與爭驅抑使衰翁飽新得
涎頰十駕終後塵坐看康莊駮齧膝陶猗廩庾詫陳腐
小家瓶壘不餘粒清詩屬我猥見予祇遣心顏賸慙德
條枚拱把竟何取挺拔蒼松二千尺政恐血指匠石前
袖手觀傍猶上策

再次林郎中韻

幾年塊處斷足音日詠楚些歌常林朋知久矣張邴我
矻矻抱甕如漢陰末路面顏殊自笑故人情義無與深
桑榆可收倚君重表表玉立行班心

江湖長翁文集卷之九終

江湖長翁文集卷之十

七言古詩

贈王仲和架閣

王招飲小姬十輩執樂甚閑予以王之才諳能辨又疑其天降地踴也徐乃知皆其妹所有再訪之去已久矣為賦古詩

朱樓窻扉楊柳烟樓中香霧浮龍涎眩旋客眼錦繡筵
鬧花打圍妖且妍小蓓稚萼紅玉鮮酒行急管雜繁絃
羯鼓催開裏風蓮橫笛未放蛟鼉眠老子判醉忘華顛
歸去就枕疑針氈但有夢語追遊仙芳訊忽聽青翼傳
翠鸞彩雲歛漂翩縹緲三十六洞天水佩風裳若箇邊

重來朱樓柳吹綿樓中主人中詩肩淪處士茗安僧禪
兀坐向我俱可憐君才時彥孰後先宦路已著祖生鞭
富貴取攜故有然列屋指見羅嬋娟老子賢否真天淵
蕙蘭香中錦瑟前觴詠或可君周旋

次韻林郎中龔宗簿

散人擁書茅屋底祗合下澤居鄉里浪指青冥期策足
端復滄浪規洗耳林侯坐分韓席半龔侯天才寧習慣
瓢酌天漿黍紫傍峩峩貝闕連蜚觀名位顧肯卑微休
兩傑未易今世求老子志願一丘壑鷓鴣彼此逍遙遊
清篇駢來真好在誰云物理莫兩大捧心血指不得辭
門外長須翹足待

再次韻寄林郎中

林侯理窟元無底如拜宣尼親闕里經笥沈醇文筆古
俯視時流皆口耳我生憂虞占多半鼈跛夔屈今已慣
林侯尚抗倉庾塵盍胡嘗作不二觀相魯君小公儀休
從政顧自愧由求崧高蒸民有吉甫飄風浪欲歌來游
索米惜不畱行在坐論看君皆五大樵謳或配馮爨書
衰翁縱衰猶可待

再次韻呈林子長郎中龔養正寺簿

荒學蹄涔易窺底祿邀不應來帝里昧爲此役君定笑
當念平生意行耳過耳毀譽紛相半曳裾袖刺何嘗慣
餬口未忘丐斗升投閑正須問祠觀歸雲倦鳥且罷休
鏡中頭顱盍反求小兒能耕婦能餉老子卒歲良優游
石友青雲兩君在肺肝傾倒不自大還家猶可詫里閭
柔儂祇博白眼待

再次韻林郎中

醉鄉陶然真我底落世曹作魚千里頗思溪風鳴檜枝
一洗半生市聲耳帝城春月雨強半躡屐衝泥今已慣
湖瑩冰奩濤湧山回思向來領奇觀角角倦鵲語未休
晚鳩饒舌如有求明朝定可載酒去攜兒一爲湖上游
湖西羣艷雖無在宿雲掃空天宇大蹇吾健倒趨早歸
醉尉未須嗔目待

次兒輩喜雨韻呈大守

老子簞食師顏淵憂世不合居民先今年不雨春破夏
惴惕亦復針氈然嗟嗟五月河無水溫飽之望疑已已
一雨滂浪彌夜旦龍伯至仁端起死國史未用書旱雩

江浦長翁文集卷之一
人神幽顯修交孚老子一飽危不給恩私仰戴君大夫
君恩如天不遺物龍伯豈應甘夔屈史君况自龍之友
偕兒同依趙卿日

再次韻寄楊宰

小家作活魚脫淵凶歉之備渠能先勞勤頗似抱甕叟
安得心數如計然人方渴羗欲沽水龍公睡足那容已
怒捲淮江作飛雨旱魃潛藏蝗蝻死令君丘禱亦魯雩
天心默隨人意孚百里旌倪歌載塗我亦飽飯竟潛夫
今君豈復池中物中年墨綬人稱屈高郎小邑徑刺史

老子賀書當不日

史君有詩復次韻

詩播樂職聞子淵貴耳底用泥古先吾宗史君當世賢
援今輩古敢開然祖武孫謀有源水功名濟美方未已
卽今朝野屬望深簡齋仙人真不死詩律欲並元劉驅
邵政坐使豚魚孚編輯妙製紀殊績瘖不措手吾非夫
壯歲毫端有神物才與年衰此心屈伸紙索句頗強顏
漫把清明譽天日

贈臧汝舟次韻

昔人得珠沒濤淵悟後悚惕悔厥先世間萬事無真是
辯口莫究然不然此心疑然古井水與俗方圓寧得已
紋楸亦有進道機介視勝負齊生死臧子多智守已愚
能事不蓋已日乎南風覆舟後許徂義戰得雋逾老夫
閑中敗意防俗物喜君相過不待屈此樂政令兒輩知
閱口無庸譏愒日

次韻楊宰花石綱遺石

令君藻翰輩占先脫口一可樂石刊盡令珥筆草大冊
底用韻語談槐安一詩爲弔湖邊石深感崇寧全盛日

側身南望常仰高肯交下風俄二毛京口市樓聽度曲
廣陵帥席陪揮毫悲吟自作夜虫響絕唱傍羨秋鷹豪
虛孰高名擅顧陸僅識妙思陵莊騷金阜老仙憲文武
醴筵繼日喚我曹銀臺吐談眩金翠繡帷護煖聞蘭膏
挈挈去尋樵牧盟貸我抗俗慙山靈風流雲散有悲喑
目前赤脚仍樵青府公忽駕西蜚鵠言訪劔閣摹舊銘
女媧青泥萬山外爭突雲日寒崢嶸前懽弦斷更容續
一紙寄意良未能向者望望君不來談舌攢棘胸填埃
叩門剥啄粲一笑灑然一洗衰病懷新詩絕妙不我靳

笑口忽復緣君開驥足爭先真老矣屠門大嚼亦快哉
但令石交不遐棄此外擾擾付一咍幾時攜將好東絹
倩卷吳中山水回

贈解禹玉

解將家子以文字取世知予望之以致
遠而老夫書癡爲可戒故復取前韻作
詩進之

讀書祇博雙鬢斑詩好豈解留朱顏平時無客憐輟鮒
觸處有人嘲飯山相府略嘗喚宜祿木門不夢窺銅環
多病但結藥裹伴得酒間發詩囊慳頻頻終慊鷓斯飽
浩蕩擬逐江鷗閑未死更費屐幾兩此生祇欠茅三間

玉燭叶和黃道明天扶休運非人力豐碑端合頌虞周
遠來近悅絕歎愁有君無臣古所恨穢佞嬉笑乘膠舟
鳩心飴口諛 聖主漕石移花開南土玲瓏蒼石中路
棄不見姦儉歐刀死此心安得此石頑感物抱恨甘終
天平日志願裹馬革杖扶鸞茹吾衰年

再次韻楊宰

君不見見奇章平生石解顏有得甲乙勞鐫刊又不見衛
公平泉巖作戒要與山岳爭完安衽席杯盤易沈溺可
無雅好嬉過日生須玩物不流物負山暇問誰有力此

昔人得珠沒濤淵悟後悚惕悔厥先世間萬事無真是
辯口莫究然不然此心疑然古井水與俗方圓寧得已
紋楸亦有進道機介視勝負齊生死臧子多智守已愚
能事不蓋已日乎南風覆舟後詐徂義戰得雋逾老夫
閑中敗意防俗物喜君相過不待屈此樂政令兒輩知
閱口無庸譏愒日

次韻楊宰花石綱遺石

令君藻翰輩占先脫口一可樂石刊盡令珥筆草大冊
底用韻語談槐安一詩爲弔湖邊石深感崇寧全盛日

玉燭叶和黃道明天扶休運非人力豐碑端合頌虞周
遠來近悅絕歎愁有君無臣古所恨穢佞嬉笑乘膠舟
鳩心飴口諛 聖主漕石移花開南土玲瓏蒼石中路
棄不見姦儉歐刀死此心安得此石頑感物抱恨甘終
天平日志願裹馬革杖扶鸞茹吾衰年

再次韻楊宰

君不見奇章平生石解頰有得甲乙勞鐫刊又不見衛
公平泉巖作戒要與山岳爭完安衽席杯盤易沈溺可
無雅好嬉過日生須玩物不流物負山暇問誰有力此

石擯棄歲幾周幾人摩抄動詩愁不妨野鳥印爪跡曾
是画鷁明方舟奇嗜豈必真無取尤物未可輕糞土二
公真情不激詭靜對孱顏堪樂死揆予骯髒如石頑一
跌叵復能朝天石默不言詩為宣正用吟玩忘吾年

次韻解禹玉

解作詩亦工於画詩則屢觀矣諸公
多得其画予獨不見與故詩中及之

夫君官職雖西班夫君不獨師孔顏画手人言逼曹霸
詩力自詭追子山對客每遊庖丁刃得與笑解齊女環
槃礴羸前筆未落競病韻險思不慳掀髯掃出山河影
就醉或放風月閑我亦平生弄翰墨諸公頗置齒頰間

側身南望常仰高肯交下風俄二毛京口市樓聽度曲
廣陵帥席陪揮毫悲吟自作夜虫響絕唱傍羨秋鷹豪
虛孰高名擅顧陸僅識妙思陵莊騷金阜老仙憲文武
醴筵繼日喚我曹銀臺吐談眩金翠繡帷護煖聞蘭膏
莘莘去尋樵牧盟貸我抗俗慙山靈風流雲散有悲喑
目前赤脚仍樵青府公忽駕西蜚鷁言訪劔閣摹舊銘
女媧青泥萬山外爭突雲日寒崢嶸前懽弦斷更容續
一紙寄意良未能向者望望君不來談舌攢棘胸填埃
叩門剥啄粲一笑灑然一洗衰病懷新詩絕妙不我靳

笑口忽復緣君開驥足爭先真老矣屠門大嚼亦快哉
但令石交不遐棄此外擾擾付一咍幾時攜將好東絹
倩卷吳中山水回

贈解禹玉

解將家子以文字取世知予望之以致
遠而老夫書癡爲可戒故復取前韻作
之詩進

讀書祇博雙鬢斑詩好豈解留朱顏平時無客憐輟鮒
觸處有人嘲飯山相府略嘗喚宜祿木門不夢窺銅環
多病但結藥裹伴得酒間發詩囊慳頻頻終慊鷓斯飽
浩蕩擬逐江鷗閑未死更費屐幾兩此生祇欠茅三間

方營巢
未竟

丁年悔不全吾高正坐枵腹守不毛卑官餬口

竟何補涓棄什百收一毫執版仰看上官面可復直氣
陵羣豪夜剔殘燈賦招隱愁追交情廣楚騷豐約僅足
優龍具汗隆真可付馬曹共嗟孔奮不自澤政復所至
無脂膏向來枯策苦傷生塗窮却用陶性靈故人肯來
問牢落河畔罷吟草青青夫誰急草脩期檄夫誰大刻
班超銘孽虜遊魂須畧刻燕然蒼石高崢嶸橫槊千篇
月三捷是責捨子誰當能可遽學我賦歸來臨流欲濯
襟袂埃老子期君舊不淺看上要津舒壯懷烏驚鬼急

易寒暑堯莫不辦供合開文字玩世請少息盛時難得
君念哉昔人聽謀取一得勿以老耄資笑咄君不見壯
歲一跌子陳子江湖畢世甘低回

次韻楊宰食蟹

長翁服食僧樣清灌園得閑收落英壯歲頗營口腹事
岡有且罟梁有曾大截每快屠門嚼美酒慣陪豪士傾
酒邊最愛無長叟坐隅未揖先風生揮斥肴品進此叟
似去儉荒遊上京王謝家兒負販子氣味不待口舌爭
年年屬屨不汝厭勇向上黨人夸矜一從多病戒奇嗜

屏絕鱗介疎薑棖水中之怒寧阿系丈室高臥幾淨名
二年閑殺把螯手久要藥裹熏爐并早晚籃筐薦蜺越
君乃下筯收所憎銘盤久斷舊嗜好垂涎忽誦新歌行
射陽浦口霜耿耿繁梁埭頭霧冥冥及今尖團日供百
莫孤君家竹葉清

射陽最出蟹自繁梁入城故云予嘗
傳無長叟無長無物也今秋此物艱

得而
小

送羊侯因簡崔帥

殿廬護嚴外蕃宣崔侯文武能兼全石城之政列城先
迄今遺愛春與妍爾來淮上提帥權淮民歌舞且晏眠

術業可但朝路傳異域南首爭駢肩舊故顧念無愚賢
如我衰病霜滿顛眷眷未肯卽棄捐一紙緘春飛墮前
嬾拙雙足如繞纏欲往謝之尋回船每獨念之幾針璫
叔子北歸氣翩翩棋酒辦與君周旋未醉定復譚臞仙
知我抱犢方中田黃堂名酒壓香泉香泉高郵
佳酒名淮白不
下槎頭鱸叔子小駐當還轅有人北望心拳拳無使渴
德垂饒涎

次韻張守垂虹小駐

聞道垂虹舒遠目江波浩蕩江天晴江城竹馬待已久

未妨小寒漚鷺盟郡民焦嗟歲不孰丈夫慨慷志在行
盛時陳力要接浙遮莫常譚嗤老生

再分韻得花字

春工幾時來天涯人間指顧成豪華未歎丹杏無餘葩
能事已到桃李花東園地勝賓盡嘉麀邊霏屑杯中霞
將壇令下手一叉陣勢歛變常山蛇眉顰肩聳靜不譁
詩成笑語還紛拏吾儕此樂世莫加聚蚊金谷何足夸
但恐兒輩搖齒牙法士亦復工疵瑕君且休矣吾還家
况復高柳翻倦鴉徑催紫衣巾小車我亦款段隨揮撾

贈趙子野

子野分韻得日字借其韻

長翁飲得腹爲實趙侯論交膠在漆官曹未肯孤吟賞
車載鴟夷挽衰疾樓前紅樹媚晴霽樓間清風細披拂
崢嶸帝皞專花事彷彿江妃奏瑤瑟巾欵憤墮人傲兀
堂堂飲興方未畢眼看韶華吾囁嚅氣摩蒼昊君豪逸
人間樂事易陳迹便恐清歡轉頭失孰知椽筆今詩史
煩君揮毫記今日

贈劉行甫

分韻得耳字

劉郎雍容古君子平時人指原夫耳忽然闖我風雅壇
疾雷破柱蛟龍起豫章可棟今七年魏舒驚人纔一矢
後來獨步君仲宣撫斲輪具吾衰矣

次韻趙子野贈別

白地倒海翻重湖趙侯塗改插架書石麟角犀清而腴
了知不是山澤臞舌官齒商鳳將雛一笑著我東郭竽
曹後鮑前君指呼郊寒島瘦君童奴翠鳳未齧口不糊
吮漱沆瀣騎兎烏擘水挹取驪頷珠掛作白月照海隅
丹山阿閣久榛蕪跳梁餓鴟啼鶉鴣兩鳥囚作轅下駒
巨靈蹶起張怒鬚一鳥呻啄羣翼趨向來偃什須君扶

大篇落手吾戒塗春風得意掄翠裾東西州爾非秦吳
猶金玉音寧所圖

送曹器遠從使虜

暑風掀面黃塵底曹侯據鞍輕萬里曉趨官程夜未休
不爲功名爲知己男兒生有四方志誰能俛眉婦車裏
周原咨度使塵飛漢官威儀渠潁泚異時橫草恐不免
此去灌瓜聊復爾赤縣神州吾舊物文謨武略君奇士
列聖恩波迄未涯百年胡運今如此山川險隘須默究
他日上前煩聚米殺胡之林定何許持酒邀望一啓齒

歸來有句敵車攻老子滯懣資一洗

送二趙金陵秋闈之行

君家種德麻葦似兩郎今日東南美石麟角犀互輝映
拄腹撐腸皆錦綺賢書聯翩取如掇文字欲貴江淮紙
步光久匣自光芒勃姑所指當披靡去去秋風鼓鵬翼
翱翔烟霄此其始建鄴山川古雄麗平分勝槩供筆底
氣陵鍾阜峰頭雲辭傾白鷺洲前水聯璧不難先衆後
歷塊仍能輕萬里平日雙眼不屢青奇窮一生端坐此
卽今意氣爲君傾老子閱人蓋多矣

送劉常父秋試兼簡行父

良樂佇目思驥子工師擇材須杞梓劉家昆季寧近用
直幹百圍日千里戲綵之暇同鷄窻平挹千古如探囊
尺箠政自無堅彊况腰烏號手魚腸鄉邦驚歎有此客
一筆與翁箭鋒直秋賦春闈溷子爾老子賀書已濡筆
香名聯翩傳里閭珠宮貝闕方權輿他年日奉平反笑
更勝而今讀賀書

題六么後

愛愛少日淫奔女愛愛死作貞烈婦東隅一跌收桑榆

竟得佳名傳樂府男子處死正自難此女厲志雪栢寒
至今挺挺在人目詩翁作詩垂不刊誰畚此詩入宮羽
檀唇緩歌細腰舞直掩霓裳羽衣曲更問離魂饋漿女
且玩此舞空金卮莫奏此曲增悲悽蘭摧蕙枯崑玉碎
不如人家嫁狗隨狗鷄隨鷄百年佳麗終枯骿汝名芬
芳無已時捨生狗義渠安之而我更用興悲爲我悲所
悲人不識撫事懷人悼今昔翻雲覆雨行路難君不見
買臣之妻彥升客

陳伯固史君禱雨得雪爲作

江湖長集卷之十一
妖魃肆虐挺餘災麥田未麥空黃埃饑民忍饑守鄉土
倚公力挽和氣回梵筵告旱初拜手補陀仙人已回首
楊枝一麾神受職雪龍占先效奔走飛翔作意擅曉昏
膏潤趁時救枯朽人名此雪宗丞雪祈禳取攜屈伸肘
德政可但人間最大士與徒龍與友閔雨競喜雪應祈
今段尤拜天賜厚歸前帝席指日冀更遣奇祥福諸後
太歲在戊如在酉看取乞漿還得酒

次韻楊宰

頭顱敢意封戶牖飲處往往推祭酒宜人珍果亦鼎來
把杯未省嗟不偶拳栗御棗玉山奇南北氣殊仍地醜
少日詩人鱸鯨興莫年醉客持螯手令君未負將軍腹
襞積琅玕向誰剖三珍薦槃侑從事儵然徑訪無何有
詩來可但落饒涎萬卷更慙王季友

送赴省七子

憶昔塗抹鬢未秋著書初不緣窮愁交契往往第一流
愛且助之恩意周醫桑槃飯驚浪舟如輶轉轂需膏油
疾需妙劑寒需裘李郝硯席初綢繆陳趙進脩警墮偷
出語鑿鑿珊瑚鈎三臧筆底風雨道丁年出我便一頭

江浦長翁文集卷之十
儒林丈人拔其尤賢書政用譚笑收七子寂寂從我遊
窮人累人君信不迄今里閉聞沈浮玉音下天正旁搜
南宮之行勿夷猶巨魚縱壑鷹辭鞫鴈塔岐路隣崑丘
捷音聯翩走吾州壯志此去不啻酬士抱奧學追前修
噤不施世吾儕羞肯臥少室甘沈幽肯闖侯門提劓緱
賢科夷塗古共由論才君等誰與儔可學老子拙自謀
所向數奇老不侯一樽上盡猶未休索句軋軋蠶緒抽
不作兒女聲悲啾倚須接武拱帝旒付我一竿釣滄洲
石湖兩帖還李推官

石湖老子家蓬丘一笑俯作人間遊風度人品第一流
結字亦復無朋儔還軫蓬丘俄十秋恍開此帖指病眸
便若執鞭侍瓊舟狂奔渴驥騰驚虬斷圭折劍紛然投
蜚虹曳霞爛相繆人間至寶人貪求無間珣琪雍琳瓊
彼此輕重寧其侔借我肯作一月留我癡不減顧虎頭
還君孰視仍牢收愛護幸免惡客偷亦幸不污寒具油

陳學正惠詩酬以長句

寒風折人粟生膚局坐掩戶孰與娛吾宗高義駕爲迂
新詩爛粲尉槁枯一百十二驪龍珠春意誰遣生座隅

吾宗學力源委俱決爲巨川
瀦陂湖粉袍未脫口未餬
氣凌雲霄色敷腴肝肺向我每傾輸
我老舊學慙榛蕪妙語正賴君起予
不辨瓜李酬瑤琚病鶴曳翮寒松臞
可復飛動索故吾

陳學正孫學錄有詩復次韻

俗子敗興蚊啞膚獨賴勝士相嬉娛
彼異趣者嗤我迂豈知木茂水不枯
繫山韞玉淵懷珠二子豪爽仍廉隅
才名角立風義俱詩筆爲我翻重湖
雨膏霧沐春模劬佳節尚忍孤雲腴
古來左角計羸輸但有丘隴埋煙蕪

願言公等常娛予不辱短褐榮瓊琚
山雌卑飛未妨臞更用烏烏歌吾吾

戲作

飲食小過不佳趙帥招飲淡食止酒因成古詩

書生稟賦紙樣薄平日扶衰惟粥藥
一日飲濕小嚙肥河魚數日煩醫治
佳辰府公約把酒嚴斥廚丁預節口
借問主賓醅酢餘還許公榮袖手無
厚味腊毒古不予如作病何仍古語
生世例非金石堅支離如我更可憐
饒嚏動使諸病入冷坐亦復百憂集
彭殤瘠肥本自齊此理祇許蒙莊知
筋下萬錢無足取厨薦三韭徒自苦

法士語飲應且憎何如臥客懷中醉不謗焚耐任人嗤
穀伯何如辟穀高人師黃石陳遵張竦柄鑿夫何為彼
此未可相是非七十老翁誰能促戚縛此戒醉死病殂
吾命在

次陳倅同年瓊露酒詩韻

君家家釀人家無市酤漓澁真剥膚朝來洗盞醕先酒
凝去聲若金莖秋露珠色香第一味稱此輿臺桑落卿玉
腴客間公榮不共飲主人恩意無乃孤歡伯三益能娛
予愁城九守付摧枯淮鄉香泉豈其徒竟夢枉用馳粉

榆君家家釀人家無渴羗惱君君恕乎為君劇飲首就
濡可待謀樂間憂虞

題高夢錫指牛圖

將軍向來馬量谷封君劣比羊千足浮雲富貴漫夸毗
不博范叟回青目此叟落魄水墨仙松煤染指皆其天
奏刀浪詫牛無全寢訛降飲二百角身不服箱鼻不穿
觥觥肯受衆目憐高郎回偏米家船此軸寶重一當千
老子老欲耕淮壩養菜詩滿高下田政用百尾收烏犍
刀劔縱售能幾錢展掩此畫空惘然平日幽趣終拳拳

此叟儻可作九原画我草履麻為鞭經挂牛角羣牛前

次朱必先與師是唱酬韻

朱郎滿腹抱賢業壯歲彈鋏仍哀歌飛將未侯方朔餓
天無老眼如子何紛紛過眼日百十超拔如君信難及
平陵筆陣吾敢支穩掇世科人所必小兒鹿鹿空肩隨
血指汗顏驚崛奇於菟一嘯百獸懾誰顧露草寒蛩悲
詩書鼓吹且強飯舜咨臯謨適華旦功名迫逐可得辭
等閑莫詠南山粲

再次韻

男子負抱成蹉跎唾壺自擊商聲歌此聲此意誰解頷
政用折柬招羊何人言百里半九十它日聰明嗟不及
雲衢倚袂夢空勞神武挂冠吾已必久要但有窮鬼隨
此鬼亦使文怪奇推敲慣嘗京尹怒登臨肯興賦客悲
蠶蟻可浴牛可飯農家星候知昏旦不妨婢子辦黃紬
吏貸鄰僧供白粲

客以詩為東園飲不果次其韻二首

東園千樹遙白紅攜壺滿意一醉同向來可是君宿諾
政復急雨斜驚風縣知此興未渠盡暖日晴雲豈終吝

叩門日聽長須來老夫於子驂之靳

春池照影紅錦衣鴛鴦與鴨同低摧金籠鸚鵡頗許語
解道春色今寒灰客來命笑還錯莫此情不似君情薄
會須把酒杏花前祇喚茶甌充罰爵

主人怒諸
妓故及之

雨未止再次前韻二首

蒼顏無酒不能紅坐窻袖手禪衲同幾時羲馭肯憐客
滿意花卉搖光風樽酒向君懷抱盡賡歌劇譚忘悔吝
更看珠玉聯翩來孰云猛乞猶小靳

樽前罷唱金縷衣花爲薦菱玉爲摧欠伸舊識名駒子

后山蘭艾一燎同飛灰匆遽不及呼莫莫春愁禁人酒

力薄擬令大白徑浮君畢獻繼今仍此爵

次韻魏知元

詩人索詩無乃俗我乎索之更虛辱從來東郭濫吹竽
繆使尾續陽春曲此腹涸矣勞誅求我老知耻吾罷休
史君拂雲敞新樓且可一醉同樓頭

是日真州拂
雲樓賣酒

再用韻

青樓琴客信超俗俗外客子幸臨辱定知略眼歲寒枝
肯負平生白頭曲雌凰雄鳳副所求和鳴之樂方未休

暗香疎影春借力更看青子駢枝頭

次高賓王餞徐南卿韻

徐郎坐窮無幾請千里過我身將影未辨還較梅雪漂
頗憶離家鴈天冷高郎表表今子雲等閑落筆詩中君
學力不為救飢分歸從夫子收奇勲

贈画士龔子

古人論画索画外世俗區區較形似眼明亦有可人者
龔子画形兼画意穠蘭春蕙相與芳梅花照影生暗香
倚煙映霧各夸嫵併作短軸供寶藏斬新雪色三大壁

勝日煩渠揮淡墨楂牙老樹對醜石龍騰獸伏起恍惚
松底跳波隱隱轟千輦石間橫斜風竹相因依長翁雅
趣在水竹新開湖南規辨五畝綠此松此石偕四友身
未出門先在日暮年供給良易足龔子惠我真絕俗萬
錢酬贈不領願新詩渠能飽君腹平生好事吾屢空龔
子好事未後翁藏詩寶画從人笑與子把玩無終窮

呈趙帥

訪帥困于腰鋪次
帥聞到招飲

雨行本自貪風便四十里程真劈箭長年攤錢夸半仙
一炊黍頃風頭轉生世快意多所辱葉舟瓠壺浪如屋

江湖長翁文集卷之十一
暗樁觸船船版折船丁籲天船媪哭塗窮儻有哀王孫
腰鋪人家緊閉門丁翁祿邀捕魚者向我顧肯顏色溫
茅屋新成容寄宿麻茶初孰仍見分解衣滅燭睡欲死
鄉夢醒時鷄喚晨平時晨舖下南浦定向揚州聽更鼓
飛廉生憂吾敢怨薄命若爲防市弩今朝河面吹細痕
竹樹不聲人駿奔掣鈴一笑話疇昔便有樂事酬佳辰
鎮淮主人開淶樽蕙蘭香前簫鼓喧一盃爲我安驚覓
勝談疊疊清耳根向來憂虞無足言

江湖長翁文集卷之十終

江湖長翁文集卷之十一

五言律詩

山居十首

山間有好事時肯問何如束送筋頭蕪鮮分起面魚披
襟偕我飽攬髮爲君梳一笑塵勞外都無病可祛
咀毒橫戈地財堪博一羞時流正攘臂老子解抽頭秦
楚蝸兩角跣夷貉一丘向來回晚照了不見全牛
忽作斷過訪經旬閑瘦筇慵添和詩債病減灌園功石
嶼裏輕碧庭柯零碎紅竹君如見尉竟日嘯窻風

居淡自少客兒輩省簷門日課午鍾飯生涯三畝園嗜
魚親蠶戶輟果及王孫不惜苦錢破橫縱步屨痕
鳥息我亦倦行行取徑微石稜妨錯足藤蔓每鉤衣森
木各天籟連山同夕暉推門吟袖冷滿帶野風歸
涉世慣多還還欣愜此心鷄孫當歲稔竹母值秋陰言
配香秬軟行須綠影深繼今摩腹去風日更蕭森
萍梗纔糊口爬沙亦畏塗悠然三徑地有此百金軀乘
興聊吟筆無絃且槁梧幽居喜客醉未遣秫田蕪
蕉鹿謝依乘孤高迺得朋閑談每榻父清晤或鄰僧止

酒元真子居家杜伯升此心安隱處蜩鸞傲鷓鴣
一室市聲外生涯良不孤園花非獨笑風竹巧相虞爲
客求鵝母供家課橘奴殘年溫飽爾外此亦何須
丁年陪友舊塵霧去駸駸不賴學問力終孤雲水心無
波真古井躍冶豈祥金撫已知今是扁舟釣碧潯

元夜病起二首

霽色莫澄鮮和聲入管絃人家無事日時節放燈天壁
月紅塵外東風綠酒前強陪兒女笑病骨得輕便
節物撩佳興浮生盍自寬山城如許樂燈市不多寒微

步漂香細行歌惜夜闌何人欵醉帽朱袖簇歸鞍

香雲寺

山月明空隙庭柯下槁乾沉沉僧夜淨漠漠鴈天寒夢
境愁偏隔詩情老易闌未容辭水厄聊復踞蒲團

丁簿到蕪湖書不至

幾日到于湖交情未合疎相望百里地不寄一行書待
此寬相憶何人念索居朔風吹鴈斷徙倚正愁予

圩上

小村山影裏山脚水明沙春事初移柳人家未摘茶生

兒了門戶饌客有魚鰕笑我塵埃者奔馳鬢易華

丁酉道中暮春

去家如昨日節物轉頭非風處綠自舞雨餘紅頓稀野
橋平水過村路躡花歸趁得醪醖在箏琶拂舊衣

秋日

夢蟻浪多憂隙駒如許道淒涼一霜早黃落萬山秋得
失古青簡漂零予白頭不因多病過始覺此生浮

仁于庵

罷亞圍僧屋檀欒隔槿籬月池聊濯足雪壁賸畱詩里

江湖長翁文集卷之十一
社皆困廩鍾魚亦歲時平生松隱賦回首十年遲

次韻翟元卿

君自儒冠秀源流況父兄文堪一戰霸氣欲五郎卿與
世甘多選謀生迄未成其誰爲推挽小試合承明
我困枿投鑿君才仇建高要之同臭味政以借熏陶觴
詠聊真樂虫妍付爾曹能來緩詩頰芋火薦松醪

得姪消息二首

甚喜年穀熟仍聞佳食眠鄙人新過此鄉信得真傳社
酒浮蛆淥湖魚割玉鮮平時計安穩莫靳里胥錢

二頃躬耕穫爲謀未覺非輸租能早計坐社莫相違念
我言將滿連宵夢只歸團樂老丘壑肯作食言肥

感興

又鏡江流去奔馳合自羞病容霜後葉歸興浪前漚岐
路三生債風埃一飽謀山出饒芋栗瓊重故園秋

送人赴試

之子自荆璞溫純仍琢磨諸公推大手壯歲合賢科豹
霧三年隱龍門一躍過得詩應自慰老子閱人多

金地寺

江清長翁文集卷之十一
側徑崎嶇去飛蘿次第捫山橫欲無地路轉却逢村竹
栢圍荒寺莓苔上綠垣殘僧不知客芋火老雲根

留行都

久飫南來飯長維北去船薰衣子笑韻入筯望潮鮮意
適忘漂泛吾生計食眠歸期何用數寬待藕花天

調官歸

穰穰衣冠地耽耽公輔居雲霄有捷徑塵土且長裾老
去懷歸切生知與世疎解裝漫刺在況說子公書

陪盱眙王使君東游四首

錦席浮波影牙檣轉霧霏飛花窺碧酒舞蝶傍紅衣野
日歌前淡雲峯望處微游魚應與樂啼鳥莫催歸

纜解鷗飛處船移柳影中林廬桃李月浦漱蕙蘭風酒
淺能無醉歌長惜有終賦詩聊泚筆寓意未須工

紅旗圍皂蓋離邇碧山隅水色涵雲樹賓筵著畫圖香
溫金鑿落花亞錦屠蘇醉裏銀絲鱸漁舟不待呼

風林山闕處茅舍兩三家小駐回鶻隊重尋粟玉花疎
煙橫暖靄碧溜漱晴沙野興未渠盡數峯明晚霞

都梁八首

淮汴朝宗地孤埤只眼前譙樓西日淡戍鼓北風傳破
竹非無計澆瓜亦自賢客愁渾幾許撫劔倚吳天

天外纖雲盡山巔望眼遙平淮剪綠野白塔界晴霄客
裏風光異吟邊物象驕功名它日事回首興蕭條

新居得翠微景趣自幽奇白石羣羊臥脩篁翠葆欵山
光銜暝睨雲影傍藩籬席戶無車馬禽猿不更疑

關塞淒涼處青徐指顧邊如何漢正朔不盡禹山川將
畧輕三捷天威重萬全諸公不愒日老子判留年

路惡惟沙磧山回忽市廛樓臺明晚照花竹暝寒煙生

事知無警懼聲驗有年猶嫌武陵遇不載割淮鮮

犬吠蔥青裏人家竹徑深短籬循石礪老屋枕煙岑牛
瘠知春事鳩啼認晏陰豐年易爲客盃酒慰幽尋

向來經世蘊每作負山馳鬢髮不留黑京塵慙舊緇生
涯黃卷在心事白鷗知回首林泉癖窮吾不爲詩

年年漢臣節春鴈與同歸番俗尊華服皇家後武威市
中斜甃賤水外拂廬稀南北皆生息和戎果是非

寄侄

擁衾聽良夜風葉不餘飛天地清霜冷江湖旅鴈歸幽

江漢長翁文集卷之十一
人惜短夢遊子念征衣窮老人間世愁城屢合圍

雨後病起二首

旱歲仍無麥淮民食正艱幾時占雨信今日破天慳盡
息田家歎聊開病客顏何由長歲稔金火莫循環
小臥竹間齋幽懷得好開病從涼後減雨及望時來兩
屨山千疊諸雛飯一杯吾生計此耳無夢到燕臺

歸自湖西

晨具湖西飯還家腹果然怒風長擘席急浪不鳴船身
覺青冥上情留白鳥邊衰年端一快整帽向雲天

客中

多夜淮瀕夢言歸未有期愁禁客舍雨寒過杏花時酒
廢無何飲春如不自持若爲丹九轉能黑鏡中絲

次韻朱萬卿五首

陳雷好賓主亶亶各風流末座仍枚叟捐金得莫愁濃
歡兼卜夜暇日賴銷憂近按梁州譜何妨一再謳

風義陶朱裔斗南無此流懸知禁厨鬻不賦畔牢愁筆
落無千載談間散百憂盡抄新樂府惜欠雪兒謳
彼妹綠窻子歐靚亦其流裊杖何因瘦眉梢不貯愁唾

花新得意庭草共忘憂雌鳳求凰曲人前莫誤謳
一雨動三日溝塍皆怒流風涼欺酒力喜色寄詩愁不
待桑林禱俄寬杞國憂豐登知有象滿聽載塗謳
平時歌酒伴雲散與風流白髮潘懷縣青衫許散愁生
憐自謀拙人謂不堪憂只擬江湖去狂吟和棹謳

寄興化徐尉二首

敬問昭陽尉滄錢得飽無時方依絳帳課謝剪桂符賓
俎仍黃雉書窻了白駒低回自愛惜才業正時須
自折河橋柳何人慰寂寥一書寧用斲兩舍未爲遙瓜

戍裝應趣荆扉興自饒回頭五雲處猶肯訪魚樵

次韻彭景貺

鳩杖隨身去鄉園得自虞紅鮮終日有俗物向來無漚
所揮椽筆風前據槁梧逢人休舉似兒輩笑吾徒

贈課會諸公

書社他年事尋盟未厭煩須吾執牛耳助子躍龍門凌
厲先諸彥從容卽萬言雋功科舉外暇日要深論

次瓜州

雲暄平山塔煙明老漚城客行判費日舟泊細論程聞

江湖長翁文集卷之十一
水清兼濁潮天雨復晴未須歸有夢午枕愜涼生

贈高黃二子

平昔金蘭契過逢意自饒乘閑無窘步命笑有嘉招翠
歛歌眉黛紅生醉頰潮歸驂從惜夜小待玉笙調

贈趙秀才

袞袞紅塵去扁舟得挽回半生障日手一笑沃愁杯應
俗吾衰矣論文子壯哉明年日邊信滿冀好懷開

約二趙棋集雨不果來

客子離羣意蕭齋只睡宜得無新雨歎漫有故人期

力須碁局風涼入酒卮轉頭車婦去相憶各兒癡

次韻高縉之二首

能事餘千牘幽期自一丘向來書篋積不瘵客漂流小
挹蘇耽鶴同歌窸戚牛幾時詩酒社相屬話天遊

奚囊走湖海襟度極風流學力隱一敵才華追二劉與
時君有用漫仕我非優它日霄霏上詩成復寄不

次韻石湖居士瓶中早梅二首

詩翁靜三昧筇杖壁間橫小閣自清絕幽芳從瘦生巧
當窻影見時映燭花明底用尋春去衝寒踏月行

羅帷護春色羣木未昭蘇絕勝翻香坐聊陪琢句臞天
資便靜獨冰影倚空無後夜逢姑射仙家白玉壺

翁約
相過

再遊虎丘二首

闔廬歸骨地僧宇庇高丘又趣能詩伴來爲弔古遊英
雄餘幅紙歲月莽東流未解山前客相逢更說愁

未句紀
所見

令節攜壺客當年伏虎山詩成雲氣上人語畫圖間官
作三年住時須半日閑從今碧眼老幾送醉中還

謝陳夢錫詩卷二首

詩法工如此何時粟一囊渠儂須擁篲老子欲燒香世

論膏賢否人家皆稻粱願天開老眼爲子療飢腸
高才萬夫敵餘事十全醫有句撞哀玉它年飲上池可
緣乖世用政自畏人知當復嫌多口頻煩說項斯

卽事

側徑苔竹潤短籬鷄鶩喧小停障日手聊憩臥雲村綠
影烏皮几新醅老瓦盆平生農圃計重與野人論

次韻羅春伯提舉

龍公靳飛雨盍趁望時來尚及豐年計真令笑口開池
蓮端自若月地信佳哉倚檻西風夜題詩判費才

送高緝之歸謀武林結課二首

眼底論人物如君亦壯哉作書猶乞米造物不憐才跋
履妨詩筆祛除近酒盃飛塵棲劔室歸棹莫遲回
劔室緝之所居
輻湊羣英地皇州異別州能文纔倚馬作意付焚舟士
價知名下醫門要檐頭明年春鴈足詢我賀書郵

歲晚言懷

病在歲云除相羊小石渠連朝無出日進藥止觀書舊
苦將迎困新慙誦說疎官曹不事事世恐誚相如
紙屋酣春意霜空凝凍雲甘違酒伴約稍策睡鄉勦寂

寂觀騰蹕堂堂歛放紛冥心得今我回首謝前聞

雀響初防雪鴉驕恐報晴徒妨一老夢莫究二蟲情虛

籟吹羣動洪爐寄短生只今觀物化未替白鷗盟

天晴雀飛

有聲時人以爲欲雪

贈相士蜀張二詩

博古亦多藝相形仍論心司南輔名教左契指升沉好
語空千紙行囊未一簪鄉關劔閣外鴈足謾歸音
貧病謝人謀形容覽鏡羞要隨耕釣往聊爲斗升留子
術誠探妙吾門恐暗投霜髯文學掾寧復鄧元侯

贈陳錢二別乘

久絕還往解后二公陳園小酌話舊且約為小築之遊

蜂蝶如相識窺人却怪生平時被花惱因病此心輕笑
語初疑夢香紅旋問名杖藜回白首頽景欵街城

花氣浮遲日鶯歌佐緩觴肯孤畱客意兼貸著書忙疇

昔朋遊樂扶攜醉後狂因君話塵外清興頓能長

塵外樓名

小築縈人夢詩翁况舊期定攜桃葉女猶羨習家池鶯

燕聽歌慣風煙取醉宜餞春餘幾日一笑更容遲

送李元英還常熟從周宰讀書

久趺尋師足還家訖受經可容輕日力政使帶朝星高

步須堂奧它年看典刑奉親時得笑餘事賜袍青

次韻歸路微雪

卓犖康時畧昂藏報主身衝風還按轡飛雪却宜人帝

渥先春遍詩題觸目新行行何樣好歸路玉為塵

鹽城阻冰雪贈陳德美三首

斷港冰初合窮塗歲欲除臨年仍此悔議道得無疎撫

事空搔首何人為寄書海風吹浩蕩側望正愁予

身口真相累風霜得備嘗即今歌匪兇未憖反屠羊辟

謗規開口因衰再覆觴不知詩酒外何計遣悲涼

江湖長翁文集 卷之十一
雪意知呈瑞還欺客鬢星悲歡隨處異艱阻尚來經夢
境翩蝴蝶宗盟近脊令盤飧更譚塵足用尉漂零

夜雨

窻聲呼夢斷燈影尚微茫忽掃蚊專夜從知雨獻涼佳
眠嗟莫續殘漏耿猶長却憶檠三尺馮書怯曙光

次韻何學諭送行二首

時小休吳江

新詩念報答咕囁未能書落筆羣英右惟君一敵如窮
愁疎翰墨客路費義舒延閣青冥上摩研正望渠
湖山迎客棹觸目總宜詩回首蓬萊近平生汗漫期衰

年得奇觀往事屬懷思何日鷗夷去扁舟共翠眉

曹娥廟二首

處死稽細素求名每寂寥紛紛等枯冢凜凜獨高標玉
刻龜趺字風驅水伯潮英魂儼如在楚些未須招
閱世誰無父渠寧厭久生驚波輕一死森木竟雙塋石
壁千尋立江流萬古清祠宮拜遺像猶復涕縱橫

寄師文二首

父子相爲命淮鄉望海隅誰非牛舐犢心羨燕將雛綵
服藏書蠹青春負隙駒營營濫飽計猶恐未良圖

阿泰知何似無書坐地偏未妨歸緩緩可免意縣縣肯
父仍便酒如翁不蓄錢况須供老眼欲說已欣然

登招寶山

一鷺風煙上三韓指點中地隨山共盡天與水無窮夢
蟻紛軒冕騎魚可閨蓬仙曹應拊掌顧我簿書叢

定海四首

縣境拖脩直人家住土塗三方鯨浪湧一島虎頭孤風
物猶佳處絃歌付老夫平生蟲篆意或許間憂虞
齒髮今如此東來料一寒愛民平日事宰縣昔人難稍

得官租辦聊容坐席安渠儂趨負輓疑未厭兒寬

穫稻來境埆開筍薦碧香地偏皆斥鹵汲井得甘芳漫
仕今千室前人陋一鄉民安吾亦飽相樂亦相忘

官解鹽煙外居人雜賈胡聽言須畫字討海倚輪租習
俗何妨陋鮮肥頗不無已甘三載住疇昔計乘桴

聞師文過錢塘二首

行役兒無慮衰懷自不忘待潮何處泊聽雨共更長指
俟鳥供哺先容鴈著行更寬三日計茫蒼下歸艤

時師是入

州迎
兄舟

九堰三江外，欵帆側。拖頻海鮮當，日飭雨鵲定。隨人椒酒須，分歲江梅巧。借春團樂多，樂事未沫物華新。

卽事

平昔功名念，如今冷似灰。藏書堪樂死，望歲待歸來。小宅依城築，虎簷枕水開。溪翁詩社侶，有酒賸追陪。

官居二首

礫礫初鳴曉，通通已報衙。拙勤知待旦，欺給未停檣。漫役鄉園夢，祗添老眼花。屈信庸敢計，斗祿倚生涯。

官居不惜日，宰縣動三年。忍事腸欲爛，爲防頭救燃。不

應一飽計，長受衆人憐。俛仰堪供笑，人間海易田。

送學生歸赴秋試因省別業三首

涼意蘇殘夢，催兒起問塗。功名數前輩，術業舊原夫。漫觸煙樓破，應先老驥驅。蠲痾吾有待，端不倚岐盧。

年事真無賴，官曹已憚煩。兒堪付門戶，吾粗有田園。遊舊因相問，襟懷爲細論。此心歸隱計，日日受風幡。

食口幾鵝鴈，田收問菜麻。子美力難及黍稷得種菜與麻寧堪再攬減。

淮人謂歲飢爲年歲攬減又抱兩嘔鴉。越人以嬰兒爲嘔鴉投老憐漂泊，何時

了貸賒。終慙陶靖節，不計生涯。

冬至

至節占天意豐登又必然相風綠漪靜賓日喬雲鮮比
屋皆生意窮閭有醉眠端容衰病宰索句海山前

正覺
凌曉

望日出五色雲
捧之是日無風

立春

春信葭灰動尋知寒事休光陰從冉冉身世判悠悠鬢
影看銀勝官期志土牛羸骸更元命惜為斗升畱

祭龍

廣殿羅籩豆脩廊振佩環帝觴初拜手仙馭不違顏

霧浮空下靈風拂袂還定知龍宛宛千祀拱南山

答龔炳澤卿

龔寄書首云
今更名炳

之子違離久前宵夢見之秋蛇開側理曉鵲啁疎籬歆
秀何時改郊庠更問為有言今贅矣暗裏自應知

送嚴上舍并寄諸公十首

嚴子老且健翩然湖外行歸來困一跌悲嘯念餘生幸
棄扶衰杖幾成折足鎗開籠出雙鳥身已馭風輕

嘖嘖鴈聲急稜稜秋意深行都舊新雨獨客短長吟子
肯憐衰病時來慰滯淫惜無移日酒留照蠟燈斟

右送嚴

自昔金陵幕周旋未盡能淒涼論閥閱突兀擅聲稱直
已堪從事公言不負丞嗣當蜚鶚牘畱眼看依乘
聞道張夫子還家俗累輕兩官終短袖五字屹長城龍
斷悲人世煙雲寫物情只今遙夜月獨許伴空明

右寄張次夔縣丞

趙子趨吳幕予偕詠舞雩迄今推轂力不墮拾塵誣鬢
脚今全白車輪欲半朱何階答知己冰蘖耐窮塗
已種河陽柳將題晉客輿論交記曩昔因使問何如擁

燼應多暇援毫不一書詩成當屬我拜賜袞襍餘

右寄趙景安府判

憶訪俞夫子頻煩挽袖畱酒邊無俗物塵外有高樓未
醉催歌扇言歸聽漏籌此歡誰與繼怊悵歲時迢
暇日詩成集西來見未曾金徽想流水玉井定層冰呵
護山靈惜流傳紙價增石湖千載託密密續前燈

右寄俞君任府判

交際論才業何郎種種長元推萬人敵况別四年彊文
看青錢中詩須古錦藏西歸容盥讀老境借輝光

江湖長翁文集卷之十一
舊識追風足低摧坂下車長驅待雲路小捷已鄉書唾
手須科第差肩有詔除公餘富佳句記我渾樵漁

右寄何解元

再次韻十首

重見髮更白羈棲偕在行余嗟遽如許子亦可憐生玉
粒書新券霜蔬煮破鎗詩成莫浪出或取世儒輕
曲巷纔人跡泥塗沒屐深未妨衝雨到要伴掉頭吟大
巧專亭毒何時掃疹淫濁醪君莫厭排悶勉孤斟
客舍無佳晤君來肯小留衣穿從見肘賦好似登樓論

世聊捫舌輸棊不計籌明窻坐方穩寒日爲誰道

吳門詩酒伴入社記吾曾香篆溫難燼銅壺冷易冰

酬怨吾老聲價放渠增衰謝猶迴首思分蔀屋燈

朝家無闕政秋榮繼春雩恤緯憐吾怯知言敢自誣

陰寧董傅爲已肯楊朱未斷蝸緣壁仍多豕負塗

城西山水窟早晚命藍輿勝絕僧能有拘攣我不如山

雲側步踊雪壁細行書它日嘗盤礴蕭然樂有餘

中天有臺閣自問汝何能世路信薄命吏曹須異稱

北歸甘醉叟西上且聾丞執友論文地能無興可乘

進業湖海窄取名絲縷輕因君論前輩衛道有金城潢
潦先知本機緘貴用情靈臺與秋日炯燭古今明
仕爲飢寒迫歸憐興味長卜居從詭譎勿藥幸康強隣
擬千錢買書開萬卷藏殘年文字癖更欲競流光
靖節無粟思歸更命車慵垂督郵帶况袖子公書老
我須閑適塵緣得破除還應與鷗鷺分占碧溪漁

題陳主管小壺天三首

陳延客
棋于中

一室凌埃塏公堂更左偏閑消官上日小隱洞中天棋
酒隨醒醉蚊蟲斷樸緣憐渠鍛爐側矻矻計巢仙

棋枰外世故暄靜信奇偏俗網恢三面冰壺令一天時
供詩友課未斷宰官緣付我紅塵去如君自半仙
未放歌雲散先看醉帽偏周郎自醇酎樂廣定青天持
勝收賢業推枰睨世緣明年一品手却訪玉堂仙

過八疊鋪問宿

平野俄空闊遙山且有無斜陽對捫虱暝樹忽啼鳥老
去猶羈旅生平頗壯圖田翁詫豐歲不擬話爲儒

高頭山

小駐緣雲脚居然睡眼醒楚田銜樹闊漢水挾山青蹠

江湖長翁文集卷之十一
十九
躩初忘倦巉巖已飽經川原方啖蔗不擬歎漂零

無題三首

薄宦受風梗還家歸岫雲行人與喬木老色竟平分末
路慙周朴窮交有墨君看渠綬若若干騎詫鄉粉
浪出嗟何補歸來樂有餘山川付不借天地託蘧廬酒
熟聊呼客釣垂不在漁平生棲遯意政用蓋迂疎
臥病十四五秋來身自輕已拌不藉在寧復可憐生每
笑隱者傳尚存身後名灌園聊日力分藥且交情

思歸

薄宦隨漂梗流光付迅湍家山蝶夢隔節物鴈空寒撫
事頻回首微吟小凭欄多情但烏鵲時肯報平安

答壽詩

感念垂弧日無成忽老衰尚須庚癸諾可諱甲辰雌但
有散人傳難勝幼婦辭呼兒張座右言配蓼莪詩

次韻章宰

窮山從薄宦小郡著衰翁政術甘疎拙辭壇敢長雄一
飢纔自救五細未宜中又擬包羞去京塵冒軟紅
遊舊多厭絕怪君終眷知帳畱仍碧酒紵獻更清詩風

義固難及月評無乃私相從文字樂悔作十年遲

過樊村

幾日囚籠鳥今朝縱壑魚空勞計遲速凡百有乘除岸

勢驚禽過江聲午夢餘心融得新句澄水滴銅蝓

漢江水黃

濁貪行不暇汲井

書懷二首

俛仰人間世纔爲一笑資百年羊胛熟萬事虎頭癡文
字聊遮眼功名浪朶願浮生如此爾况復病餘衰
薄宦爬沙地平生一不施才名將底用齒髮歎如斯自

笑書汗馬誰今手不龜惟餘五色筆忍賦四愁詩

步西湖次韻徐南卿

前後九首

載酒幽尋地乘閑得再臨麗黃啼曉霽魏紫笑春淡撫
事揮犀管他時夢鶴林心期更闕寂物理付昇沉

楊園騫絕嶺萬象赴窺臨坐久嵐霏潤來時翠碧淡鶯
花自佳處魚鼓亦叢林誰在飛埃外芸芸付陸沉

山寺曾題竹尋詩記所臨緣雲俯空曠捫石揆幽淡倦
鳥低平野蕙花下碧林沙頭催喚渡空水遠沉沉

水月春猶淺攜壺記此臨雲煙澹閑寂魚鳥媚清溪堤

路俄人海侯家或肉林高樓下金彈簾影眇淡沉

水月趙園名

徐子學詩苦硯池寧暫臨課功初巖巖著語遽精淡更積歲月力儻陪英俊林人生才業地渠輩分平沉

徐郎小隱處愛我許迂臨多選話歲晚言歸忘夜淡祓愁倚詩酒結伴卜山林更喜檀欒舊風煙挺綠沉

西湖千頃盡政用好詩臨鑒揭霧解駁屏紆雲淺淡鈿車隨寶馬紅舫度青林歸去開囊錦君先炷水沉

詩課追離索蕭窗誰肯臨語方逢衆怒自詫用功淡未議辭窮鬼纔堪補笑林舊交多冊府肯信有湮沉

逐利爭名地扶衰瞢一臨官同冰谷冷盟締海鷗淡局步無夷路卑棲有故林鳶魚天地內遂性各飛沉

觀諸公射于城北書壁二首

舊約已湯餅新歡仍碧香小閑障日手同憩臥雲莊羣彥矢復沓老夫詩在囊蔬畦暝晚色野興爲誰長

塵我玉蟾蜍弦君金僕姑分曹雙壁立中雋萬人呼壯歲功名地從渠山澤儒他年玉音問冊府起孫吳

次韻楊宰次郎裴

時予亦留西鄉因述懷

信次尚村落食眠隨曉晡山瓶餘瀝倒釀名瀝僧宇

謁伊蒲笑挾兔園策問收魚澳租前灘起漚鷺爲我作
前驅

次韻楊宰公田道上

人有褰裳去時閑野渡舟知君問彫瘵隨處訪溪幽歲
事方關念村醪不破憂貫租仍已責或可繼前脩

次韻楊宰樊汭

邑東南或偏得雨然足不足村村
不同嘗與令君言荒政寧虧官無
寧厲民此役也哀不幸畧饒
倖乃可因君有詩輒次韻

龍豈分勤惰司存想異方崇雩均此意豐歉竟殊疆惠
戒憎漏網君寧專擊強東南有偏孰鄙語未應忘

次韻楊宰秋尾雪

密雪界秋冬悲歡可得同祥如關歲事時合奏場功政
要肉骨手民方霜葉風強吟鹽絮句面不蓋羞紅

次韻楊宰葫蘆格

生常信流坎老不歎漂零雪後菊未死雨餘山更青仍
煩析塵語遠寄打包僧政績隨詩價多君日日增

次韻楊宰述懷

爲儒如此爾糧食第晨晡詩漫南山杞愁連董澤蒲賓
筵闕鵝肉券負有牛租久要惟窮鬼文成不受驅

次韻楊宰野步

筇杖陪隨去漂然不繫舟雲低山影暝風定竹林幽病
減柳臂感老無蒿目憂吟詩如蝕月玉斧儻能脩

次韻樊汭

荒政賴賢守湛恩推上方龔黃真父母秦越肯圻壘手
自起僵仆術先銷暴強膏肓得司命銘肺可能忘

次韻楊宰雪

對雪動遐想此情今古同饒爲霸橋句會奏蔡城功恥
臥袁安屋思乘列子風高翔廣樂地眩旋九霞紅

次韻楊宰宿田家

雪曉烏驚矯無風葉自零人家住莽蒼徑栢挺寒青千
載猶歸鶴三生省病僧脾虛眼多青更比向來增

次韻漕使張守二首

政績新皇眷功名舊壯懷人才雙立玉筆勢各排淮鵬
路天惟咫鯁生骨未埋行看仲淹弼接武冠堯階
授書天佐漢鼓篋客師韓氣宇包溟渤辭鋒凜莫千經
綸股肱似姓字齒牙寒不作規隨起誰令九鼎安

題吳司理子隆兼隱

江浦長翁文集 卷之十一 三十四 三百十五
紳笏視林藪達人忘異同端知柱下史却笑鹿門翁
狴獄仍陰德詩書亦雋功何須笠澤去煙浪放船蓬

次韻張守赴真州辭家

爭引依風領須公布惠慈淡思手摩拊數計月盈虧歲
事方援溺情親更語離來時鴈天闊觸目總宜詩

次韻張守惠山

詩伯心如水熊幡再護邊教條父老舞姓字裔夷傳客
到牽鈴索詩成仰屋椽平吞雲夢澤聊酌隱之泉

次韻張守塗中逢節二首

向子房州之行亦舟中作歲節飲

塗中歲逾盡江影暮澄凝栢酒惟宗武河梁似李陵問

津田叟傲振施長六年能繫纜纜沙背人家已上燈

賞心仍令節十事九相違老境家猶遠愁城日合圍客

塗君尚歎世路我知非美殺鄉居子耕梁木葉衣

次韻張守與潤守總卿詩四首

天曙玉作筍此地合垂紳尚戒專城馭虛逢顛俊辰公
古八問竹馬名已薦楓宸政恐經綸去諸公拱後塵

漁樵送晚景天地著陳人澗底離奇榦人間浩蕩春峨
冠纔識字何策可資身不擬千言賦忉忉恩大鈞

江漢長卷之十一
三十一
殘年仍舊學平日亦新書酒渴今司馬巖棲昔幼輿夢
無三字井家有五車儲但諗催詩燭吾衰冀少徐
向我能忘勢張侯却甚真頻分代舍飯遣濯客裾塵長
日無知己因君愛此身可須砭劑力振臂起漳濱

瀕江樓分韻得春字

子政文筆勁武陵豪氣振高舉霄漢步分占燕鶯春造
化歸吟思謂二公樽罍著散人芳時好賓主載酒未妨頻

次韻楊宰泛湖

他日草玄手效官今武城端憂計豐歉行色問陰晴詩

酒時陶冶身名孰重輕猶能記鴛蹇拜賜得瓊纓

次宿北阿韻

聞道藍輿去遙崗復近阿詩應弔孝逸碑或贊頭陀靜
者官糊口公朝禮作羅憐君日阡陌塵土撲陰何北阿李孝

逸破李敬業處

次韻趙帥四首

藩方人奠枕楚尾鐵爲城曉日熙仁惠春雷殷政聲護
邊一李勣增戶幾王成笑指瓊花露如公徹底清
腹裏羣經筍毫端五字城少陵寧漫興侯喜欲無聲竊

聽鏘金奏仍聞破竹成君知盥手處毛骨爲誰清
我亦飽參僧羸糧走百城諸公傳句法夫子擅詩聲自
笑屠龍誤時須盡驚成峨眉出苦語蛩夜共淒清
自昔繁雄地蕪城壓錦城惟公工活國上課已蜚聲富
庶幾當日調虞屬老成歸應演周頌宗祀奏維清

次韻林子長

詩壇舊同歆攀附不無因攬轡今膚使回轅記老身雲
泥知己隔譚笑尚容親不記棋前酒當時定幾巡

次韻趙帥歲暮

虛心觀物變投老得詩窮玄草居然白爐其却暫紅詩
緣梅雋發愁倩酒消融未用凌羈客疎簾逗雪風

次韻小閣

聞道委蛇地金虬自炷香心雖便靜默時恐後騫翔物
外貯春色人間占夜光定誰傳句法俗骨點玄霜

高宗皇帝挽章二首

雨露均皇澤丹青煥帝猷挾圖自天運授聖與神謀方
珍脩齡夢俄偕造物游姑山餘四子不復候瓊輶
措俗臯風粹怡神象帝先寶圖傳聖嗣金闕覲羣僊典

訓昭如日華夷痛所天衣冠游歷地一一淚河前

高宗皇帝挽章二首

天地重開闢華夷赴指揮羣生欣按堵三紀仰垂衣鳳
曆雖無極龍樓忽告違廣成譚道處千古想驂駢
精一心傳後功隆道固存徐乘僊馭去往儷玉皇尊典
誥無遺意臣民有斷魂嵩靈弓劍望愁霧慘中原

壽皇聖帝挽章

孝儉超千古初終秉一心時前未央酒每惜露臺金遺
範天同久湛恩海與淡攀摧慟夷夏悲淚作秋霖

壽皇聖帝挽章二首

受授光堯禹規摹陋漢唐皇圖開壽域國步坦康莊檢
玉方慈範乘雲忽帝鄉華夷均孺慕矯首涕滂浪

慈儉遵先志剛明肖上乾題期千一遇躋治五三前他
日山藏壑終天澤漏泉稽山穿望眼松影五雲連

強同年次子挽詩二首

識子初衿佩嶄然自夙成風猷乃公似文字老夫驚遽
隕連城器難推造物情新宮漫仙伯政復待君銘

弱歲不好弄俯窺同隊魚開編便頭角諸老辦吹噓囊

江浦長翁文集卷之十一
錦餘詩草悲風忽轉車人今埋玉恨清淚灑衣裾

黃尉挽章二首

傳緒祖風懿居鄉家道肥羣書了漁獵一性自弦韋官
僅紆黃綬時須補黑衣空纏百身恨遽作九原歸
落筆心猶壯論年鬢未斑硯捐初鑄鐵澤失善藏山談
塵那容數靈輻去莫攀松阡縈望眼衰淚可勝潛

李粹伯挽章二首

今代論時傑如公未易量冰壺鍾器質繡段粲文章遂
鬱鸞臺望俄成馬鬣藏忠賢如此爾天意竟茫茫

病酒漳濱久傳聞信復疑爲郎真地下哭友漫天涯雨
緋何由挽風松想助悲自今思有道時展蔡邕碑

五言排律

九日

樽俎天風度亭高眼界寬江山對吹帽煙雨入凭欄蟻
酒傾靈液霜花碎辟寒樂長回過鴈香細靄雙後樂事
酬佳節千金命一歡燈前喚歸騎星漢已闌干

次韻盛教授

詞章有餘力老色歎侵尋况苦漳濱臥俄聆正始音新

江表長翁文集卷之十一
二十九
篇驚間發平處冠來今脩月無前手凌雲得此心葩華
分子細矛戟駭陰森玉楮何勞刻於菟不易擒競傳平
水市或博樂浪金妙斲風無迹窮搜海壺淡與時猶落
落逼古謾駸駸襍被征塵暗臨流鬢雪侵徐驅憐老驥
決起羨驚禽善價渠能許清愁可得禁不無青白眼聊
費短長吟頃歲欣相識高山慰所欽周旋窺義府衰朽
謝書林適越慙荒陋依劉耐滯淫交情向來密詩病幾
時箴遲子迂軒蓋呼奴潔釜鬻蕘足幽趣玉唾滌煩
襟斗酒窮簷日超搖得共斟

再遊殖軒小酌

生世岐喧靜平章有不如宦塗吾畫虎濠上子知魚去
索長安米歸紬笠澤書茲軒住蒼莽勝日復躊躇酒盞
扶頭後鶯聲禁火餘蘭風度樽俎蝶翅畧襟裾有底煙
霄意便爲水竹居可須供麩蘖未後課耜鉏花蓓紅酣
日池光碧浸虛鶴頭依綠荇龍骨開清渠詩興因超忽
愁端得破除時從一吟醉小計百車礫

送羅提舉

萬口歌謠裏臨岐挽使車五雲金碧際平步闖天居皇

春須裨益清朝有詔除致君真夙素活國此權輿壯歲
持英節春風滿比閭民皆樂耕鑿吏敢狃侵漁日者流
離歎時方旱曠餘飽飢親勞來骨肉費勤渠汲直開倉
後韓公報政初重前漢皇席肯挾子公書冠豸傳應寶
嬰鱗可待徐規恢今日事抱負與時攄吏治捐邦蠹胡
妖信鼎魚衰翁憐命蹇違世坐才疎但有江山助曾無
甌石儲登門仍造次作意借吹噓此去遊丹地能無薦
子虛壯心翔碧落歸夢謝黃淤凝睇成分袂從人更曳
裾念爲天下賀不擬賦愁予

謝龔養正病後分藥

如許臥痾久入春知少蘇遽能捐藥物分惠及吾徒字
驗親題健形非賤子懼人情工老芋友意寓柴胡恠底
陰陽寇偏陵山澤儒從君足力減歎我酒腸枯解橐供
砭劑投筇試步趨身方困厲鬼名已屬亨衢書蠹妨生
理盃虵可自誣斯文千歲計平世萬金軀大手堪周史
諸公待董狐幾時隨急詔帆影漾前湖

養正補
官有信

勸農書淨居壁

小出成休務徐驅免戴星風枝禽磔磔煙隴麥青青蕭

江清長翁文集卷之十一
寺蜚塵外行軒數刻停臚呼黃髮叟看臥碧香瓶庶富
幾無憾耕桑飽所經由衷竦直語或可比閩聽

寄顧簽判

定海虛籍米數簽幕
主張蠲放作詩謝之

版財虛占籍爲弊與年淡挹酒空名斗無虞可卽禽焦
頭寧自救捫舌未渠瘖上幕真時望平居念陸沉蠲痾
丹九轉援墜縷千尋容易令公喜恩勤獲我心益昌畱
署考神武貸抽簪厚德何容報交情擬斷金

飲寓隱

軒宇曉清曠行樂未妨頻無客不堪醉有花長是春憑

欄尚紅藥結伴擅芳辰笑駐凌波步香分折角巾鶯聲
殊自健杏子況嘗新仰止宗英伯來爲鄭驛賓言辭獨
樂樂仍命可人人鴻弄舞時影梁蜚歌處塵棋抨誰得
雋詩筆自疑神欹倒何妨屢歌呼却甚真升沉塞上馬
容易鬢如銀奈許追歡地回頭迹便陳

再遊福溪巖贈主僧

山路細縈蛇欹危訝泛槎幽人肯假榻倦客似還家栢
徑初軒豁筠窻更靖嘉飢腸如作苦齋鼓恰停樾茶供
含秋露菘菹帶早花香秔有炊玉煮餅不搖牙好在經

江浦長翁文集 卷之十一 三十二 三百四一
行處還憐舊約差摩莎驗蛇蚓圓缺屢蝦蟇境信人俱
勝心寧迹與遐農時多閔雨意緒每如麻却話三生契
空嗟兩鬢華蒲團坐雙穩良夜對篝紗

均州贈應守沈倅

聞道均陽郡平時百萬家客行休訪古世異定興嗟逐
逐纔爲市通通亦慘搗僅成新聚落那復舊豪奢屬者
歌簫地連畦蔓瓠瓜今來冠蓋侶薦飭欠魚鰕連日買漢江魚
無所得狹路幾沙磧頽垣賸土花街塵空鳥雀屋影暗桑
麻恐有如鴉鵬仍驚攫肉鴉遺基滿空潤面執踞谿谷

一水紆龍脊羣峯造犬牙封疆界梁楚形勝引黔巴郡
計稽圖牒農功富秉秬吏庸常報最帝澤向來賒劫火
延中夏髦頭震四遐風聲離夷裔俗習墮奇衰穀蓄寧
關慮山荒久廢畚腰間尚牛犢籬脚漫從犯久矣皇恩
洽悠哉戶籍加帥車初柅軌倅戍未歸槎厚本還千載
移風待兩衙撫摩端不苟惻愍信無華已日知胥悅爲
生漸有涯耕耘捐末務惰窳棄前瑕條教須源委浮淫
計蘗芽要能瀦鄭白不必漕裒斜號召人投袂污邪歲
滿車騰陵傾獻替陸續拜亨嘉績效煩銀筆人才況絳

江湖長翁文集卷之十一
三十三
二百廿四
紗翰藩仍庶富餘付史臣誇

江湖長翁文集卷之十一終

江湖長翁文集卷之十二

七言律詩

赭圻

朱旗僅奏蜀川功咫尺中原未向風
禮接謝安猶故舊心知越石是英雄
生前逆氣無宗國身後餘殃有狡童
忍對青山話遺臭人生過鳥抹秋空

閑題

自笑冠裳裹沐猴只今江海信虛舟
斷無貝闕珠宮夢好在黃鷄紫蟹秋
詩外盡爲閑日月人間分占素公侯

政須漚鷺供青眼未厭山林映白頭

飲客

暑氣憑秋已自消可能枯策伴良宵試開玉友招詩客
共吸金波對舞腰人近笙歌堪耐老天非風月定無聊
簿書正使無閑暇卜夜時須慰寂寥

次丁嘉會韻二首

其弟嘉正亦在

倦駐頻題醉後襟離羣自歎闕知音卜鄰未暇論前約
著語聊須尉此心小挽歸軒清夜飲憶嘗對臥白頭吟
中年畏別猶輕別添我霜毛又幾尋

塵裏清風忽滿襟詩成正始識遺音才輕餘子今文舉
氣壓諸豪復季心棋罷蠟燈銜燼暗酒闌庭樹挾霜吟
百年衮衮須今夕歲晚鷗盟要重尋

再用韻寄丁知縣三首

旗亭風月小披襟尉我東歸聽足音潮水去來當有信
岫雲出入自無心酒盃乘興從妨夢詩律緣愁久廢吟
明日揚舲回白首煙橫北固擢千尋

南樓酌酒未分襟啁鵲啼烏亦好音晴日倒紅生笑頰
煙梧搖淥漲盃心可堪歲月供行色盡把江山博醉吟

不繼蕪湖留十日焦峯浮玉恣幽尋丁爲蕪湖簿留子必以十日爲約
別時把酒欲霑襟楚翼吳鱗要嗣音撞玉饜聽辭客語
斷金淡得故人心對床風雨終前約滿眼湖山念獨吟
何日水雲淮上宅草荒三徑肯深尋

念衰

心意彫殘底自娛每臨清鏡笑頭顱詩從多病難爲好
官過中年劣勝無急景驅秋著髭鬢歸鴻銜夢下江湖
更應載酒高陽伴誤輟歌呼話故吾

閑適二首

人間火烈更風蜚笑殺幽人誅檜枝貪赴敵塲爭腐鼠
寧知造物玩癡兒百年擾擾玄駒聚萬化悠悠野馬馳
老子床頭但周易尚容隱几耐支離

丁年故紙枉埋頭老去時名底用求得句蓋嘗身被謗
屏書姑免眼爲仇關門工作橐駝坐閱世已冥鵬鷗遊
槁木山麋真適適從來里舍議家丘

九日留交代

歸軒小駐莫怱怱佳節胡宜客路中已締金蘭千載契
政思萸菊一樽同磕山煙薄秋容瘦槐衮簾疎晚照紅

此興向君殊不淺要看醉帽受西風

次韻蘇監倉二首

時蘇兼
主邑學

交朋又得一相如高掩虞郎行祕書妙論析微驚我倒
諸生到眼可人無一官幸此分鄰燭五字渠能攬虎鬚
快讀清篇病如掃北軒風竹對森疎

長日奔馳傳置如久妨著論與抄書逢人爭席有時有
疥壁畱詩無處無禦寇未辭躬楚製論文常憶攬桓鬚
扁舟再有東游便肯向朋從自作疎

再次前韻二首

未說高文錦不如談間已勝十年書是中我亦潛心久
作者君今舉世無應俗不堪塵眯目論交政復棘如鬚
獨憐兒戲心猶在更向詩筒較戚疎

倉官尉職賤誰如終歲區區奉簡書勝日偷閑須著便
青山有約定來無著書聊閤如椽筆疾惡休張磔蝟鬚
好袖新瓢五峯路碧淙清樾伴蕭疎

縣圃醑醪

北園紅紫已蜚塵始放幽亭爛熳春疊翠影低珠纈重
洗粧人倦玉容真薔薇清露疑分派木莉評香且外臣

領畧濃芳須好語卽令袖手恐花嗔

賞酴醾病不赴

不得花前共一樽蕭齋藥裏自相親
閑追水佩風裳夢空負雲階月地春
縹緲瑤英霧爲幄敷腴玉面酒生鱗
蜚觴刻燭輸公等定指芳條笑惡賓

次陳宰韻

觥籌交錯舞僛僛曉色侵窻客未知
便整醉龜乘款段尚餘吟與屬酴醾
還家擬趁寶瓔珞喚客重乾金屈卮
著意風煙與調護免教花意恨歸遲

徐陶會

松底軒窻卸虎韉竹簾閑裏石爐煙
山間風日小春後會裏杯盤長至前
蟻子醪敷能及客彈圓侯栗不論錢
巖棲野嘯平生意失脚塵埃雪滿顛

卽事

泛蟻醪敷且命斟中年節物自關心
風前千柳競春態煙際一鳩啼晏陰
急景絕憐添鬢雪芳辰猶阻盍朋簪
年時醉籍梨花地回首鷗盟可得尋

縣西

江湖長翁文集 卷之十一
一徑斜穿犖确行身閑尤覺馬蹄輕坡頭嘉樹千幢立
煙際長江匹練橫茶鼓適敲靈鷲院夕陽欲壓赭圻城
一春簿領沉迷裏野鳥山花眼最明

上峩橋早行

一從筮楚替陳編漸慣山行野店眠白氎風霜鷄唱後
黃塵岐路馬蹄前光陰付我千莖雪伏臘何時二頃田
寄語淮鄉隱君子浪言梅福是神仙

寄幼度主簿

辭家暑雨濺紅渠轉首蕎花已雪如歲月祇隨流水逝
笑談陡與故人疎簡書我正罷長道歸棹君行指舊居
他日霜風吹夢破空從旅鴈覓來書

和張秀才

山川向晚點塵無忽訝飾瓊屑玉鋪巧與梅花爭便旋
試將姑射比肌膚破寒春酒何曾釀薦飭窮鳩不料臞
陵藉東君從作意未妨芽甲暗昭蘇

雪晴再用韻

龍燭飛空雪漸無光搖窮巷麗金鋪妓樓遽喜春生座
席戶渾驚粟在膚剡水不須乘興去飯山猶是作詩臞

自憐白髮疎慵客擁被高春夢未蘇

次韻早春

良辰邀醉得錢無雪後郊原翠欲鋪無力晚風搖柳線
有情新日養花膚尋芳擬貸愁邊意照水還驚病後臞
春到祇思爲圃樂賸移杞菊種鷄蘇

次韻張秀才雪

可是春皇吝物華羣仙剪水作奇葩壺中天地渾糜玉
風處園林盡勒花宿火煖寒聊楫楸夜光落手忽驚嗟
忍飢遽擬搜詩謝何異空腸更飲茶

用前韻酬雪霽

東風吹暖擅年華不放江雲颺素葩嫩碧忽看搖水面
暗香已復辨梅花塵埃憐我褐之父名德思君留子嗟
沉辱清詩祛滯思真成酒病薦真茶

寄丁主簿

江邊聚首偶經旬自挽園蔬拂甑塵老檜根株官舍古
涼蟬風露賦曹貧斑駝去後情無那紫燕飛還句更新
一舸東浮待秋老菊花蘆葉定留賓

寄林子長教授

江漢長翁文集卷之十二
七
芹堂風景幾經過
匝坐紅蕖倚綠荷
下筯慣嘗雲子味
開樽仍費雪兒歌
官移催我離羣去
夢境思君樂事多
鴈足寄詩情未薄
却慙屬和付羊何

楊家會小坐

斷蛻收盡有雲屯
月映蒼茫山斂昏
白露素空猶暑意
碧林危葉已秋痕
鳥鳥定爲何人樂
絡緯惟能竟夕喧
老閱流光易悽惋
惜無佳客共清樽

七夕

龍旌鳳扇一相迎
知費青禽幾寄聲
天上經年纔舊約

人間轉盼便深更
涼河只向樽前落
微月偏來酒面明
後夜玉琴彈別鶴
獨應乾鵲夢魂驚

復程平叔

早歲雄文手自編
偶同聞喜聽鈞天
漫爲官去吾何取
肯寄詩來子定賢
滄岳自憐頭易白
士安况苦病相纏
羨君身健須如漆
萬里亨衢穩著鞭

汪叔量白酒

妙訣何年受異人
釀成珍齊祗逡巡
端憂肯念霜髯客
取醉時分玉色春
筯處想如君德厚
飲來渾類我詩醇

借書問字渠須計走馬鳴鞭莫厭煩

寄鄉中親舊

攜書憶上上江船
撚指官曹欲二年
白傅病多空自歎
老坡仙去却虛傳
人生脩短庸非命
我判浮休不問天
來歲過君定驚笑
尚堪詩酒與周旋

鄉中有傳僕物故者

隱靜簡堂老贈籐杖

兩枝籐杖各過頭
一贈詩翁一自留
借力崎嶇知意厚
分岐喧靜果誰優
拄歸山路煙嵐好
橫向禪堂魔魅愁
償盡阿師行脚債
不妨分我老滄洲

次韻楊樞視圩遊隱靜

勸相江糜畚鍤忙却回
小隊訪山房
松風不約爐煙直
晝晷潛隨僧話長
政外輟閑知有味
區中得醉浪名鄉
銅丸好句長哦罷
坐聽驚猿墮莽蒼

次韻楊樞喜雨

神護天關色正莊
挽回帝眷一絲香
人間雨信先鳴鶴
仙界雷翁叱臥羊
剡剡青秧迷迥野
浮浮白水滙方塘
豐年信出爲霖手
懇悃憂民意叵忘

病中書懷二首

少日清孤效樂天諫書未落世間傳曾圓八節灘頭夢
重了三生石上緣雪竹霜林便老境蒲團禪板付臞仙
詩篇把玩真聊爾古井無波敢自賢
促促浮生忽二毛安心有法賴禪逃夢知二豎今相避
仇問三彭底許饗世路從今蝸兩角燈窗姑置兔千毫
破顏細點功名錄秣許淵明酒處高

次韻元卿二首

君自才高與世疎我頑能使此溪愚醫師久已肱三折
賦客枵然屋四隅莫逾十年同好惡相過一笑間憂虞

匈中圭角今餘幾詩膽由來已破觚
笑攜佳句又衝寒政用消憂觴詠間酒賤粗能畱子醉
食貧未暇慘予顏搜詩杜老方須藥強項蕭生且抱關
舊約偶耕猶念否霜林雪竹正爛斑

次韻劉宰

傾蓋回舟一再逢向來淮左又江東自驚歲鑰催衰白
況說京塵踏軟紅吏役吾方百寮底詩工君更古人中
挽畱重試傳杯手得醉歌呼興未窮

夏夜飲客

江湖長翁文集卷之十一
矻矻官曹興易窮得閑何惜一樽同
傷愁邊到無惡客
從竹間來皆好風勝日詩狂輸酒聖
轉頭渭北復江東
雕鞍未作扶攜去更放蘭缸子夜紅

贈趙監嶽

才俊如君士論推
下交從昔最知歸
談間八面無餘敵
酒處千金不當揮
方辦西湖陪語笑
預愁南浦訴分違
只今又捧江西檄
連夜驚魂夢打磯

行都

露冷河傾斗柄低
望仙橋外獨歸時
風梳御柳娟娟靜
月度觚稜故故遲
幾處清歌畱客醉
誰家長笛倚樓吹
太平喜樂朝仍暮
帝力何曾爾輩知

春晚郊外

輕雲閣雨不成飛
稍喜行軒貸夾衣
帝里園林春欲老
人家簾幕燕初歸
滄灣潮應沙痕瘦
碧隴煙生麥浪肥
眼底湖山聊著句
那憂樂事與心違

託人賣馬二首

伴我山城慣嶮巖
長因馬健感吾衰
三年粗了癡兒事
併日猶嗟竈婦炊
會見千金市龍種
可能一笑換蛾眉

還家劣有枯籐在神駕尻輪得自欺

閑人徐步覺優游馬似羞貧意不畱久厭短衣隨射虎
更憐匣劍佩耕牛楚山好處聊雙屨淮水生時辦一舟
如子長才當柄用佇看干旆擁鳴騶

次韻王知軍雪

雪神濡物不遺時嗣歲懸知美帝祺沙界積蘇煩阿母
天仙剪水倩風姨郢城曲好無前調梁苑賓來有後期
木辦壺天陪一笑夜淡空歛索詩眉

壺天盱眙齋

次韻汪解元

萬里亨衢予舊期故人畱眼看蜚馳低回尚作風鰲面
遇合何妨物在願落筆每驚風雨駛探囊或恐鬼神悲
禹門合有龍頭信小待桃花浪暖時

汪免解赴省

次韻王知軍夜坐有懷

夢想天兵下不其壯心搖蕩受風枝攝衣試作聽鷄舞
窮我庸非造物兒腰下誰懸蘇子印城中人笑董生帷
西來江左夷吾在黠虜纔堪劍首吹

次沈倅韻呈王漕

主家流慶水傾東不獨烏衣紀數公天畀臧孫當有後

江法長翁文集卷之十二
人遲汲直未居中鳳巢袞袞九文羽鵬路搖搖萬里風
隔坐從今幾雲母定知周魯各元功

次韻王漕起秀亭

夢躡常山萬仞巔寶符千載尚依然胡兒有底鳥憑夜
赤子能忘蟻就羶正朔會須還禹服登臨聊復對吳天
明年重放危亭目萬旅公方北首燕

王公每譚恢復計甚銳

次韻趙教授

辛丑大旱農枵腹可念歌酒市道譁自如趙有詩次其韻

爭米何心問斗城聚蚊底許太狂生未遑餼粟如子罕
謾復公言付阿平緩我愁腸千縷結羨君筆力萬鈞輕

何時去上中和頌却用詩情寫物情

再用韻

攜孥西壘復東城觸處千愁百恨生如許堯民艱粒食
未應漢法廢常平愛君長策三農重泥古迂儒一芥輕
會畧文移倒陳廩一時骨肉慰皇情

再次韻贈郭高叔

知君詩價舊連城不作渠儂苦瘦生血指有人慙妙斲
空卷如我合輸平珠聯魚目曾非匹鼓過雷門定見輕
久已傳抄呼阿買陶編可復置閑情

寄陳居仁二首

得居仁書說來
舊游作此寄之

鵲語晨簷燈夜花
雙魚隨客到寒家
交情從昔金可斷
別夢卽今天一涯
風雨對床他日意
雪霜欺鬢與時加
閱人半世花開謝
更覺松筠耐歲華

尚記誅茅柳外隄
水光搖霧潤窗扉
桑間曾是僧三宿
海上能忘鶴一歸
野店樽罍醅脚釀
比鄰鷄鶩稿頭肥
解顏一醉平生事
更向行藏計是非

次韻郭教授雪二首

皇心憂喜與民同
帝意深憐歲不豐
瑤檢何時下仙界

瑞花一昔覆寰中
和聲已自消疵癘
陳廩從知飽困窮
今世臯夔活國手
信知人職代天工

詩力駸駸雅頌同
人言平處逼熙豐
清篇自昔傳平水
妙曲何人和郢中
頗怪鯨牙須手攬
懸知鼠技笑吾窮
衰慵合袖推敲手
且可旁觀斲鼻工

次王帥韻後詩呈葉教授

業履冰壺器鎮耶
元戎翰畧况儒家
功名自昔須橫草
南北于今賴灌瓜
村墅稻田黃罷亞
塞垣榆樹老丫叉
爲公著意收詩藁
傳與中都萬口誇

功名回首負年華梨棗諸雛未克家老計生涯須下澤
才非世用但匏瓜爲儒僅博肱三折謀食寧羞手一叉
青眼故人猶念此肯持巴唱向人誇

次王帥韻

九日楚州燕帥
出詩卽席次韻

史君觴客及公榮慰我他時渴德深已爲穆生重設醴
更聞正始嗣遺音打圍紅袖畱連舞論檻黃花取次簪
恰似雄邊臺上醉回頭歲月歎侵尋

雄邊高郵臺
守舊所臨

書劉元之教授劄子後

碧酒清歌興未央挽畱行色爲風光小人政自屬饜足

老子工於作樂妨舞雪放閑愁踏月夢雲驚散冷禁霜
明朝一寄想思字旅鴈無情亦斷腸

立春前一夕雪二首

天仙幾夜集瑤臺剪水篩瓊不受催直遣瑞花將臘去
盡驅和氣與春回坐窓客有吟飛絮對酒人應唱落梅
雪與相如俱未至可能草賦壓鄒枚

雪龍侵夜正銜枚破曉郊原玉作堆雲葉攀翻徒白舞
瑤花頃刻爲誰開土膏已遽宜農事綵勝何妨映酒杯
幻作冰壺天一噓夢回品物各春臺

餞趙伯衛趙有詩次其韻

雪後垂楊裊綠絲
郵亭折贈訴違離
明朝月地嗟分影
勝日風流此一時
白閣論詩成夢境
清湖載酒有心期
樽前擬倩如椽筆
細與邦人寫去思

贈仲國美

前年春國美亦畱夜飲云

三閱春光一建瓴
依然歸棹泊危亭
烏迎客子各頭白
柳學故人俱眼青
曾是縱譚僵婢僕
又成豪飲臥甕瓶
明朝小話前溪別
分付溪風管醉醒

次韻彭景貺

紫燕穿簾若有求
爲人端作置書郵
詩翁別後猶能酒
妄尉歸來亦未侯
江閣香溫畱語笑
花樓月好記從游
卽今滿眼悲涼意
投老寧禁此段愁

贈課會諸公

歲月翩翩驥受檣
妙年雲路不應賒
手中白羽真穿葉
門外蒼槐又著花
丹竈功成須換骨
天河波淺待乘槎
鴈行看卽青冥上
却笑臞儒兩鬢華

再次韻答陳居仁二首

籬菊擎霜又著花
插花猶記醉君家
兩州札翰雖頻寄

江表長翁文集卷之十一
十六
一笑班荆迄未涯酒處賦成千載計床頭易熟數年加
珠璣屬我元無踵坐想揮毫寫物華
丁年也辦刺天蜚幾夢西垣與北扉未遑時英書汗簡
已煩溪友寄當歸桑榆境界寧辭冷芹藻杯盤可得肥
說似故人應絕倒衰顏五十盍知非

題殖軒

窻戶青紅斷手初桃蹊竹徑類僧居日陪騷客揮椽筆
時著班衣奉板輿領會能忘一樽酒窮通擬付十年書
仍聞布穀催春事一雨朝來潤決渠

賀二石登科

捷音西下亟蜚星二雋辭鋒舊莫京桂樹前宵減清影
棣華同日擅香名謝家蘭玉真門戶蘇氏文章亦弟兄
此去提衡霄漢上鵬搏鯤運更論程

次韻何符山人二首

久雨而晴
故有後章

門外軒裳不轉頭何人皮底著陽秋獨煩客子衝泥屐
屢到衰翁聽雨樓從昔詩聲追正始卽今賓友驗宣州
清篇快讀彊人意未覺京塵厭薄游

曉看明幾下網絲物華俱屬喜晴詩一詞不措重呈拙

七字鼎來當更奇喜鵲啼人真作意蝸牛屏迹似知時
湖山好處長謠去擬赴蘇堤勝日期

同高叔不愚如晦飲再次韻二首

詩老掀髯吟掉頭紅粧間坐眼波秋快傾良夕如灑酒
宛是當時鎖燕樓樓乃舊名倡居想有疎簾窺白下可無急鼓
袞伊州憑君更挽劉師命寬破三年爛熳游

珠簾淡裏按金絲幻出揚州杜牧詩共引玻璃扶窈窕
更煩側理寫瓌奇一懽有約能如願四者求并每後時
却念少陵從鄭老得錢沽酒話襟期

題潘德久竹居

竹裏幽棲不掩關解將應俗等居山風流彭澤羲黃上
詩力蘇州季孟間官縛猶存紫公服客來肯靳玉條環
雪兒小直珠千斛可但蘇簾見一斑

次韻張直閣避暑

紅橋照眼筭穿堦峭閣登臨快此來淨境扶頰仍客共
醉鄉逃暑更書催庭陰碎喜風頭動虹影明看雨脚回
萬事屏除詩債迫此心抖擻未容灰

次前韻謝胡運屬二首

耐暑初宵露白頭詩來分我一襟秋露飛瓊滴溥蒼竹
月漾金波水小樓政用桐君絃白雪便煩從事到青州
此懷未滿須戔與更爲狂生賦遠游

爐煙裊裊上晴絲伴閱長須送似詩眼着昏花予已老
句鎗哀玉子能奇隨人趨步庸非俗取意粧梳自入時
大手只宜臺閣裏不應猶話鹿門期

早步湖上

忽忽京塵漬客衣正須軒曠一伸眉獨行初日葱蘢處
不待游人雜選時魚樂暗搖亭樹影風輕閑弄水雲姿

因循又耐簫歌聒早晚湖山細入詩

次韻章守移學

千柱崇成儼舊規小勞移築未爲非諸儒受業三熏沐
賢守收功一指揮葳事此時爭拭目決科它日看增輝
問玄亦復侯芭事可但經生識指歸

次趙解元韻

養病年來嬾著書逢人掉臂晚迂儒愁邊好客從天下
譚處清風起座隅愧我多言終不近似君知己未應無
酸鹹嗜好雖殊稟政恐渠儂誚太愚

再次韻

與劉止用一編書萬軸垂籤或腐儒表表君今超北學
多多我已悔東隅聲華看續諸公後爾雅淡知一筆無
縮手袖間真老矣灌園蓄犗了朱愚

再次韻呈章守

吾儒交賀得宗師片善盱衡置百非小駐鋒車宣室召
時觀譚麈類宮揮詩壇已許分餘論鄰燭何曾斬寸輝
此意急須牋阿衮不因魚稻久志歸

次韻章守獵

身著邦君小隊中縱觀虎將萬旗紅目光注射鷹窺草
電影騰凌馬美風忽有清詩驚破竹更憐蜚翼墮抨弓
南歸又苦車中婦夢憶分鮮一醉同

飲殖軒

病骨今朝覺倍輕雲天昨夜已全晴爛遊花木欣榮處
勝喜風煙指顧生春草池塘頻入夢夜窻燈火會尋盟
悵然又與禽魚別波影沉隄晚照明

趙使君淮春樓落成二首

五鳳規樞到眼中摘星奇觀欲爭雄客乘雲氣遊三島

人聽歌聲指半空便擬瑤盃酌銀漢何妨醉面受天風
胡床不盡登臨興未覺邦君後庾公

步帳高牙置下方華筵雲影入風裳西山爽氣珠簾外
北海芳樽錦瑟傍賓主前聞無勝事簪鈿明日賸餘香
一天和氣誰拘檢付與邦人作醉鄉

贈趙秀才一首

平生心事釣漁舟解后青衫映白頭肯爲功名戲雕虎
不畱顏面對沙鷗露溥青蓋高荷曉風約黃陂小麥秋
入眼斜川歸趣好此身何處不菟裘

寄興化葉明府進卿二首

輿學居瞻數仞堂業文自笑及肩墻平時江月工分影
勝日篝燈約對床身世我方憐柄鑿風期君肯遽參商
相忘兩舍雖匏繫當有詩筒訪士鄉

一昨連薨較詐狙鋸筓合闢未良圖君來頓笑民之法
政絕鋒鏑古與徒俗變身如游建德時清人不畏萑符
自公日有詩書樂大府仍無急急符

贈曹秀才二首

生杭人方
免解赴省

不復林逋起九京空畱詩卷逼人清如君况自鬼神助

江漢長安文集卷之十二
擲地應聞金玉聲敗履人今笑東郭奔蜂我亦愧南榮
三千奏牘真餘事側耳齊廷待一鳴
抖擻曾襟一不優迂臨惟子肯綢繆訪書笠澤心摧落
苟祿吳門路阻脩老去欲追三徑約客來當辦一錢齏
它年水北山南計更挈詩瓢就我不

次林計議喜雪韻

雪縞長空紵帶翻數知冬意未闌殘歲功告瑞須三白
客子憑高耐一寒拍塞閑郊瑤圃闢晶熒危堞玉龍蟠
歸來凍坐追清賞重把君詩剪燭看

次韻朱秀才二首

蕭齊愁興倩誰寬籠鶴昂霄顧羽翰自昔詩深知武諤
肯辭雨濕過蘇端心期落落空軒豁世事悠悠拙控搏
正枕誦君悲壯語夢隨飛將躡鞮汗
儒冠林立更鴻生經倚菑畝道可耕便合摘髭書桂藉
未須擁鼻避時名似聞眈夢成三耳會見驚人取一鳴
講易露門誰第一佇君重席振家聲

次韻石湖居士見梅

東風猶是玉爲塵靜女冰肌小帶皴尚壓芳華擅春事

江湖長翁文集 卷之十二 二十二
枉當窮臘議花神仙姿絕俗遺羣如鼎實收功看一新
疎影暗香吾袖手且容詩伯繼黃陳

虎丘

長日蕭齋類蠹魚出門春事半銷除快舒中散飛鴻眼
穩憩文公臥虎廬塵外風光詩筆底竹梢禪榻茗甌餘
歸塗定有行人問底許空青潤客裾

江湖長翁文集卷之十二終

